

ԴՐՎԱԳՆԵՐ ՕՐԲԵԼՅԱՆՆԵՐԻ ՕՐՈՋ ՍՅՈՒՆՅԱՑ ԿԱՆԱՆՑ ՇԻՆԱՐԱՐԱԿԱՆ ԵՎ ՆՎԻՐԱՏՎԱԿԱՆ ԳՈՐԾՈՒՆԵՈՒԹՅՈՒՆՆԵՐ

Օրբեյանների կառավարման տարիներին Սյունիքում ստեղծված հարաբերական խաղաղությունը նպաստում է տնտեսական և մշակութային կյանքի վերելքին: Վիճակագրական աղյուսակներում և Ստեփանոս Օրբեյանի, Ղևոնդ Ալիշանի մոտ պահմանվել են վկայություններ սյունեցի նշանավոր կանանց՝ Մինա խաթունի, Ասփայի, Մամքանի և ուրիշների կատարած շինարարական և նվիրատվական գործունեության մասին: Այդ մասին մանրամասն տեղեկություններ են հաղորդում Թանահատի, Նորավանքի, Ըղուներձի, Սպիտակավոր, Ցաղաց վանքի և բազմաթիվ այլ վանքերի նվիրատվական և շինարարական բնույթի արձանագրությունները:

Բանալի բառեր՝ Օրբեյաններ, Մինա խաթուն, Ասփա, Մամքան, Նորավանք, Թանահատի վանք, Սպիտակավոր եկեղեցի, նվիրատվություն, եկեղեցաշինություն:

Մենք նպատակ ունենք ներկայացնելու կանանց շինարարական գործունեությունը Օրբեյանների օրոք: Բայց հասկանալու համար՝ ինչը նպաստեց Օրբեյանների օրոք ամուսինների հետ միասին կանանց նվիրատվական և շինարարական այդքան ծավալուն գործունեությանը, համառոտ ներկայացնենք այն քաղաքական իրադրությունը, որի ժամանակ կանայք օժանդակում էին շինարարական գործունեությանը: Բացի այդ Օրբեյան տոհմի կարկառուն ներկացացուցիչներից է նաև միջնադարյան նշանավոր պատմիչ, եկեղեցական գործիչ Ստեփանոս Օրբեյանը: Նախ ասենք, որ Օրբեյանների ծագմանն ու գործունեությանը մանրամասն անդրադարձել է պրոֆեսոր Գ. Գրիգորյանն իր «Սյունիքը Օրբեյանների օրոք»¹ աշխատության մեջ, ուստի մենք շատ համառոտ պատմական ակնարկ կատարենք:

Սյունյաց Օրբեյանների իշխանությունը հաստատվում է 1211 թվականին: Այդ փաստը հաստատում է Նորավանքի 1221 թվականի արձանագրությունը²: Լիպարիտն ամուսնացել էր Բուպա իշխանի դուստր Ասփայի հետ: Լիպարիտն ու Ասփան ունեցել են 5 զավակ՝ Էլիկում, Սմբատ, Իվանե, Փախրադոյա և Տարսայիճ: Շուրջ 25 տարի Սյունիքն ապրեց խաղաղ՝ մինչև մոնղոլական արշավանքները: Մոնղոլական արշավանքների ժամանակ Սյունիքում իշխում էր Լիպարիտ Օրբեյանի ավագ որդին՝ Էլիկումը (1225-1253թթ.): Սյունիք արշաված Ասլան Նոյիսի և Էլիկում Օրբեյանի միջև կնքվում է դաշնագիր, որի համաձայն Էլիկումը մնում է իշխող դիրքում, սակայն պարտավորվում է մասնակցել մոնղոլական արշավանքներին իր իսկ զորաջոկատներով: Էլիկում Օրբեյանը թաղված է Նորավանքի Օրբեյան իշխանների տոհմական դամբարանատանը: Սյունյաց Օրբեյանների օրոք իշխանության զլուխ է անցնում ոչ թե նրա

¹ Գրիգորյան Գ., Սյունիքը Օրբեյանների օրոք, Երևան, 1981:

² Գրիգորյան Գ., նշվ. աշխ., էջ 48-49:

մանկահասակ որդի Բուրթելը, այլ եղբայրը՝ Սմբատ իշխանը (1273): Սմբատ իշխանը Ստեփանոս Օրբեյանի հորեղբայրն էր և որդեգրել էր վերջինիս: Օրբեյանը հիացական խոսքերով էր ներկայացնում հորեղբորը: Սմբատ Օրբեյանը ամուսնացած էր իշխանուհի Ռուզուբանի հետ, սակայն զավակ չունեց և մանկուց որդեգրել էր իր կրտսեր եղբայր Տարսայիճի որդի Ստեփանոսին: Սմբատ Օրբեյանի կառավարման տարիներին զգալիորեն հզորանում է Օրբեյան իշխանապետությունը, որն առաջ է բերում Օրբեյան-Չաքարյան խիստ հակամարտությունը, ինչն էլ ավարտվեց Օրբեյանների հաղթանակով: Սմբատը 1251թ. մեկնում է Կարակորում, որտեղ Մանգու խանը նրան տալիս է «ինչու»-ական իրավունք, այսինքն Օրբեյանների տիրույթները հայտարարում են արքունական կալվածք, ինչը նշանակում է, որը Սյունյաց իշխանը պատասխանատու է միայն մեծ խանի առջև: Սմբատ իշխանն իր ողջ ուշադրությունը բնեռում է շինարարական աշխատանքներին:

13-րդ դարի 60-ական թվականները ողբերգական դարձան Օրբեյան ընտանիքի համար: 1260 թվականին վախճանվում է նրա եղբայր Իվանեն՝ թողնելով Լիպարիտ անունով արու զավակ: Որոշ ժամանակ հետո մահկանացուն է կնքում նաև մյուս եղբայրը՝ Փախրադոլան: 1261 թվականին Հուլավու խանի հետ ղվչաղների դեմ պատերազմելիս Թերեք գետի ափին զոհվում է նրա մեծ եղբայր Էլիկումի որդի Բուրթելը: 1262 թվականին վախճանվում է Սմբատի մայր իշխանուհի Ասփան: Սմբատ Օրբեյանը վախճանվել է 1273 թվականին Թավրիզում՝ Սյունյաց իշխանությունը վարելով 20 տարի: Նրա դին տեղափոխվել է Վայոց ձոր և ամփոփվել Օրբեյան իշխանների տոհմական դամբարանատանը: Նրան փոխարինած Տարսայիճ եղբայրը Սիրանես ճարտարապետի նախագծով կառուցեց Ս. Գրիգոր գողտրիկ եկեղեցին, որը հայտնի է «Սմբատի դամբարան»¹ անունով: Սմբատի մահից հետո Աբաղա խանից Սյունյաց իշխանապետ է ճանաչվում կրտսեր եղբայր Տարսայիճը (1273-1290թթ.): Տարսայիճն ամուսնացած էր Արուզ խաթունի հետ, որը քրիստոնեություն ընդունած այլազգի էր: Արուզից և Տարսայիճից ծնվում են 3 որդիներ՝ Էլիկում, Ստեփանոս և Փախրադոլա: Սակայն Տարսայիճը կնոջ կենդանության օրոք ամուսնանում է Հասան-Ջալալի դստեր՝ Մինա խաթունի հետ: Մինա խաթունի գործունեությանը մենք մանրամասն կանդրադառնանք: Նշենք, որ Մինա խաթունից Տարսայիճն ունենում է ևս 3 երեխա՝ Ջալալը, Ասփան՝ Գրիգոր Բ խաչենցու կինը և Մամքանը՝ վրաց վաղամեռիկ արքաեղբայր Մանուելի կինը: Տարսայիճ Օրբեյանի մահից հետո սկսում են գահակալական վեճերը գահերեցության համար: Արդուն խանը իշխանապետ է նշանակում Տարսայիճի Էլիկում որդուն (1290-1300), իսկ մնացածները ստանում են իրենց ժառանգաբաժինը: Էլիկում Օրբեյանի օրոք Սյունիքը ևս ծաղկում է ապրում: Էլիկում Օրբեյանն ամուսնացած էր Թամթա խաթունի հետ, ուներ 2 ուստր՝ Բուղտան և Բուրթելը, 2 դուստր՝ Մամխաթունը՝ Էաչի Պռոշյանի կինը և Ռուզաքանը՝ Արցախի իշխան Հասանի կինը: Էլիկումին հաջորդում է ավագ որդին՝ Բուրթել Մեծը (1300-1348թթ.): Բուրթել իշխանի կինն էր Վախախը, որի գործունեությանը մենք ևս կանդրադառնանք:

¹ Գրիգորյան Գ., Հախվերդյան Ա., Սյունիքի պատմություն, Երևան, 2001, էջ 94:

Սյունյաց իշխանության ղեկը Բուրթելից հետո անցել է նրա որդի Բեշքենին (1348-1377թթ.): Օրբեյաններից նշանավոր էին նաև Տարսայիճ մեծ իշխանի եղբայր Իվանեի որդի Լիպարիտը, որն ամուսնացած էր Նանայի հետ և ուներ 5 զավակ, որոնցից հայտնի է Չեսարը: Չեսարը իր կնոջ՝ Խորիշահի հետ կառուցել է Սելիմի քարավանատունը: Օրբեյաններից նշանավոր էր նաև Ռուստամ Օրբեյանը, որի գործունեությունը մանրամասն չենք անդրադառնում, քանի որ տեղեկություններ չունենք նրա ժամանակաշրջանի կանանց գործունեության մասին:

Օրբեյանների կարկառուն ներկայացուցիչներից մեկի՝ Տարսայիճ Օրբեյանի երկրորդ կնոջ՝ Մինա խաթունի և դստեր՝ Ասփայի շինարարական և նվիրատվական գործունեության մասին պահպանվել են մի շարք հավաստի տեղեկություններ:

Ջալալյանի, Ալիշանի, Հովսեփյանի աշխատություններում, դիվան հայ վիճակագրության 3-րդ պրակի մեջ բազմաթիվ տեղեկություններ կան Տարսայիճ Օրբեյանի կնոջ՝ Մինա խաթունի շինարարական գործունեության վերաբերյալ: Սակայն Ստ. Օրբեյանը տեղեկություններ չի հաղորդում Մինա խաթունի մասին: Մինա խաթունը Տարսայիճ Օրբեյանի երկրորդ կինն էր, իսկ Ստեփանոս Օրբեյան պատմիչը առաջին կնոջ՝ Արզու խաթունի որդին էր: Ըստ որոշ տեղեկությունների Տարսայիճ Օրբեյանը Մինա խաթունի հետ ամուսնացել էր Արզու խաթունի կենդանության ժամանակ, հավանաբար այն պատճառով, որ Արզու խաթունն այլազգի էր, իսկ Մինա խաթունը նշանավոր Ջալալ Դուլայի դուստրն էր: Ուստի այն հետապնդում էր նաև քաղաքական շահ:

Տարսայիճ Օրբեյանն ու Մինա խաթունը 1272 թվականին միասին կառուցել են Ըղուերծի Աստվածածին եկեղեցին¹: Հնում Ըղուերծ անունով երկու գյուղ է գոյություն ունեցել՝ մեկը՝ Հաբանդ գավառում, մյուսը՝ Ծղուկ, որոնց հարկի չափը եղել է 12 և 10²: Մինա խաթունին է վերագրվում Ծղուկի Ըղերծի եկեղեցու շինարարությունը: Դիվան հայ վիճակագրության 2-րդ պրակում նշվում է, որ Ծղուկի Ըղերծը ներկայիս Դարաբասն է³: Ըղերծի այդ եկեղեցու արձանագրությունը այժմ չի պահպանվել: Արձանագրության մասին տեղեկանում ենք Շահխաթունյանցի աշխատությունից, որտեղ պահպանվել է արձանագրություն՝ հետևյալ բովանդակությամբ.

«Յուսով ամենակալին Աստուծոյ ես Տարսայիճ իշխանաց իշխան որդի մեծին Լիպարտին, և ամուսին իմ Մինայ խաթուն դուստր մեծին Ջալալ Դուլին կողմակալ յայսմ նահանգի զոր ետ մեզ ա՛ծ ի Բարկուշատայ մինչ ի դաշտն Դվնայ, շինեցաք Ածածածին ի հալալ արդեանց մերոց ի փրկութիւն հոգւոյ և երկարութիւն կենաց մերոց. տուաք ի պէտս սպասաւորաց Սունակայ տափին հողն, նահատակի հողն, և ներքին ծաղկոցն ի Շնհեր, ի Տաթևայ լուսագին. և կատարի ի տարին Ժ՛ ժամ, Ե՛ յայտուլթե՛, Ե՛ զատկին վասն ինձ Տարսայիճիս և

1 Հացունի Վ., Հայուհին պատմութեան առջեւ, Վենետիկ-Ս. Ղազար, 1936, էջ 227:

2 Ստեփաննոսի Միւնեաց եպիսկոպոսի Պատմութիւն տանն Սիսական, Մոսկվա, 1861, էջ 371, 375:

3 Դիվան հայ վիճակագրության, պր. 2, Երևան, 1960, էջ 111:

Մինայ խաթունին. եթե ոք ի մերոց կամ յօտարաց խափանեսցե զսահմանեալս մեր, յժ՞ը հայրապետաց նզոված է, թուին չիա» (1272)¹:

Այս նույն արձանագրությունը վկայակոչում է նաև **Ջալալյանը**, բայց նշում է, որ այն գրված է **խթրայ վանքում**²:

Մինա խաթունի գործունեության մասին Վ. Հացունին գրել է. «Հիւրանոցը հին Հայաստանի մենաստանաց հետ կապուած էին սովորաբար, ուր կ'իջեւանէին անցորդներ, գտնելով ձրի սնունդ ու բնակարան: Ատոնց համար եկամտներ ալ հաստատուած էին բարեսէր անձերէ, որոց մէջ եւս կ'երեւին մեր տիկնայք, ոչ միայն իբրեւ նուիրատու, այլ նոյն ինքն հիմնադիր հիւրանոցաց: Ատոցմէ ծանօթ են՝ Մինա խաթուն, որ 1274-ին Սիւնեաց Եղեգիք ականի մէջ կենակցին Տարսայիճի հետ կը կերտեն նոյնպիսի շինուած մը, յայտնի իրենց թողած արձանագրէն իսկ, որ անոր միակ մնացորդն է այժմ. «Աստուած շնորհաւոր առնէ դարբաս պարոն Տարսայիճի եւ ամուսնոյն իւրոյ Մինայ խաթունին. ի թվին Հայոց ՉԻԳ»³:

Խոսքն այստեղ վերաբերում է Եղեգիս ավանում կառուցված իշխանական տանը՝ **Դարաբասին**: Պատմական Եգեղիք կամ Եղեգիս ավանը Վայոց ձորի հնագույն բնակավայրերից է և, սկսած 9-րդ դարից, Սյունյաց գահերեց իշխանների նստավայրը: Ունեցել է ամուր և ընդարձակ բերդ՝ տեղավորված ավանի հյուսիսում ձգված բարձր և երկարավուն բլրաշարի վրա, որի սրբատաշ քարերով շինված պարիսպներն ու դարպասը մինչև այժմ էլ կանգուն են: Տեղացիներն այս բերդն անվանում են «Սմբատա բերդ»: Այս ամուր բերդը չի կարողացել գրավել նույնիսկ արաբ զորավար Նըսրն: Եղեգիսը հիշվում է որպես գյուղաքաղաք և նույնիսկ՝ մայրաքաղաք: Եղեգիսի ծաղկման երկրորդ շրջանը զուգադիպել է 13-րդ դարին Օրբելյանների տիրապետության շրջանին: Այս ժամանակ ևս Եղեգիսը մնացել է որպես իշխանական նստավայր, որտեղ կառուցվել են տներ, եկեղեցիներ, բազմաթիվ որմնափակ խաչքար-հուշարձաններ և այլն, որոնք տեղավորված են եղել ավանի՝ գերազանցապես արևելյան մասում ձորի ամենալայն տեղում⁴:

Եղեգիսի ս. Նշան եկեղեցու մոտ՝ հարավային կողմում պահպանվել է իշխանական տան (դարապաս) մուտքի կամարակալ քարը՝ հետևյալ արձանագրությամբ.

ԱԾ ՇՆՈՐՀԱԻՐՈՐ ԱՆԷ ԴԱՐԱԲԱՍ ԲԱՐՈՆ ՏԱՐՍԱՅԻՃԻՆ, ՄԻՆԱՅԻ ԽԱԹՈՒՆԻՆ ԻՐ ԱՍՈՒՄՆԱԲ ԹՎ:ՉԻԳ: (1274)⁵

Գարեգին կաթողիկոս Հովսեփյանը նշում է, որ **Դարաբասից** մնացել է միայն դռան մեծ կամարակալ քարը՝ Տարսայիճի և Մինա խաթունի հարթա-

1 Ստորագրութիւն Կաթողիկէ Էջմիածնի և հինգ գաւառացն Արարատայ, Աշխատասիրութեամբ **Յովհաննու Եպիսկոպոսի Շահխաթունեանց** շահրիարցոյ միաբանի սրբոյ Էջմիածնի, Հ. Երկրորդ, Ի Ս. Կաթողիկէ Էջմիածին, 1842=ռմդա, էջ 364: (Այսուհետև՝ Շահխաթունեանց):

2 Ճանապարհորդութիւն ի Մեծն Հայաստան, Աշխատասիրութեամբ **Տեան Սարգսի Սանահնեցոյ Ջալալեանց** թեմակալ Արք եպիսկոպոսի Հայոց Վրաստանի, Իմերեթի և այլոց: Մասն Բ, 1858, Տիֆլիս, էջ 208:

3 **Հացունի Վ.**, նշվ. աշխ., էջ 232:

4 **Գրիգորյան Գ.**, նշվ. աշխ., էջ 48-49:

5 Ստեփաննոսի Սիւնեաց եպիսկոպոսի Պատմութիւն տանն Սիսական, Մոսկվա, 1861, էջ 371, 375:

քանդակներով և արձանագրությամբ: Այս հարթաքանդակը տեսել և նկարագրել են Ջալալյանը և Քաջբերունին, որոնցից և քաղել է Ալիշանը: Գ. Հովսեփյանը շատ մանրամասն նկարագրում է հարթաքանդակը. «բայց վերջերս կորած էր համարում այն: Երկու անգամ հետամուտ եք եղել գտնել այդ քարը, բայց ի գուր: Վերջապես յաջողուեցաւ գտնել Երդափինցի ծերունի Յովհաննես Գերգեանի ցուցմամբ: Գիւղի թուրքերից մէկը քարը կտորել, երեք կտոր է արել և շարել իւր պարտեզի ցանկապատի քարերի մէջ: Բարեբաղտաբար կարելի է ամբողջութեան մասին գաղափար կազմել՝ կտորներն իրար մօտ բերելով: Մոռացել ենք նշանակել քարի մեծութիւնը: Լուսանկարչական պատկերը ցոյց է տալիս, որ Ջալալյան չափազանցութիւններ է արել իւր նկարագրութեան մէջ: Քաջբերունին եւս սխալում է խոյր տեսնելով Միւսախաթունի գլխին: Կողք կողքի առանձին առանձին աթոռների վրայ նստած են Տարսայիճ և Միւսախաթուն: Տարսայիճ թագ ունի գլխին, որի յետեւիվ կախուած զոյգ արտախորակները, ոլորուն և փունջաւոր: Կախուած են եւ ուրիշ ժապաւենածև զարդարանքներ, որ պարզ չեն: Քարն այնքան մաշուած է, որ տարաբաղդատաբար հագուստի մանրամասնութիւնները նկատելի չեն, բայց երկար է, լայն և ծանծկում է մինչեւ ոտները: Աթոռը բաժրաթիկունք չէ. երեւում են միայն վերին երկու ծայրերը: Տարսայիճ ունի ոլորուն ընչացք եւ երկար միրուք: Աջ ձեռքը դրել է կրծքին, իսկ ձախը ծնկան վերայ: Այս քանդակը լուսանկարել եւ հրատարակել է յետոյ Նաեւ Ե. Լալայեան, Ազգ. հանդէսի մէջ, 1913-ից յետոյ: Նոյն ձեւով և նման աթոռի վերայ բազմած է Միւսախաթուն: Ներքնազգեստը ծածկում է մինչեւ ոտները, որոնց ծայրերը երեւում են քղանցքի տակից: Վերան ձգել է զարդարուն վերնազգեստը նոյնպէս ամբողջ հասակի երկարութեամբ: Պարանոցին կրկնակի մանեակ է կախած: Գլխի զարդարանքը չի որոշոււմ, բայց քառանկիւնի խոյր չէ, ինչպէս Քաջբերունին է կարծել: Հաւանօրէն արաղչինաձեւ գլխարկ էր ճակատը զարդարուն եւ շղարշով ծածկուած: Միւսախաթունը աջ ձեռքը դրել է ծնկան վերայ, իսկ ձախը նկատելի չէ, քարի կտորուած լինելու պատճառով: Երկուսն էլ բոլորակ լուսոյ պսակ ունին գլխների: Հարթաքանդակն առնուած է շրջանակի մէջ, վերից մի աղեղ ներքեւից կտրուած է հորիզոնական, զարդարուն գարնեզով՝ մանր, իրար հիւսուած կիսաբոլորակներից կազմուած: Կիսաբոլորակ շրջանակն առանց զարդարանքի՝ վերած գրուած է.

Ած. շնհաւորո անէ դարաբաս պարոն Տարսայիճին և Միւսայ Խաթին իւրեան ամ:

Քարի ներքեւի մասն ամբողջապէս զարդարուած է երկրաչափական վեցանկիւնանի աստղաձեւերից, կեդրոններում մի երկրորդ վեցանկիւնուց դէպի անկիւններն արձակուած եռատերեւներով: Աստղաձեւերի միջին տարածութիւնը զարդարուած է զոյգ գծերի հիւսուածքից եւ իրար դէմ արձակուած եռատերեւներով»¹:

¹ **Գարեգին կաթողիկոս Յովսեփեան**, Խաղբակեանք կամ Պռոշեանք Հայոց պատմութեան մէջ, Անթիլիա-Լիբանան-1969, էջ 433:



Այժմ անդրադառնանք Նորավանքում Մինա խաթունի նվիրատվական գործունեությանը: Նախ նշենք, որ Նորավանքը Օրբեյյան տոհմի նշանավոր հոգևոր կենտրոնը և տոհմական տապանատունն էր: Նյութը շարադրելիս մեզ համար սկզբնաղբյուրային նշանակություն է ունեցել Ստեփանոս Օրբեյյանի «Պատմություն նահանգին Միսիական» աշխատությունը, որը նշանավոր պատմահայր, հոգևոր գործիչն ավարտին է հասցրել Նորավանքում 1299 թվականին: Մեր պատմահայրը մահկանացուն կնքելուց հետո թաղվել է վանքի գավիթում: Բացի այդ, այստեղ է ստեղծագործել նաև մեր նշանավոր մանրանկարիչ Մոմիկը, որ Թամթա խաթունի պատվերով խաչքար է կերտել իր որդիներ Բուրթելի և Բուղտայի հիշատակին:

Նորավանքի ներկա բոլոր շինությունները կառուցված են Օրբեյյան իշխանական տան անդամների կողմից և, ընդհանրապես, Նորավանքի ծաղկումն էլ հենց Օրբեյյանների տոհմի հետ է կապված: Վանքի գլխավոր հուշարձանները գտնվում են մի ընդարձակ բակում շրջափակված բարձր պարիսպներով: Վանքի հուշարձաններից են Ս. Կարապետ գմբեթավոր եկեղեցին, Գավիթը, Սմբատի դամբարանատունը, Բուրթելաշեն եկեղեցին: Նշված շինություններից մեզ հետաքրքրում է Սմբատի դամբարանատունը (ս. Գրիգոր), որը մի փոքրիկ թաղակապ եկեղեցի է, կառուցված ս. Կարապետի հյուսիսային կողմում: Կառուցել է տվել Տարսայիժ Օրբեյյանն իր եղբայր Սմբատի համար՝ որպես տապանատուն, բայց հետագայում այնտեղ են թաղել նաև Տարսայիժին և Օրբեյյան տոհմի այլ նշանավոր անձանց: Այստեղ եղած տապանաքարերը շինված

են սպիտակավուն քարից: Այս դամբարանատունը կառուցել է վարդապետ-ճարտարապետ Սիրանեսը 1275 թվականին:

Մինչև այժմ Լորավանքի որմերից, խաչքարերի, տապանաքարերի և առանձին բեկորների վրայից հավաքվել, վերծանվել և հրապարակվել են 187 արձանագրություններ, որոնցից շուրջ 24-ը նվիրատվական բնույթի են¹: Այժմ անդրադառնանք Լորավանքում պահպանված Մինա խաթունի նվիրատվական արձանագրությանը, որը գտնվում է Սմբատի դամբարանի հյուսիսային պատի արևելյան կամարի մեջ: Արձանագրությունն ունի հետևյալ բովանդակությունը.

ԿԱՍԱԻ ԱՍԵՆԱԿԱԼԻՆ ԱՅ ԱՅՍ ԳԻՐ ՅԻՇԱՏԱԿԻ ԵՒ ԱՐՁԱՆ ԱՆՁԹԵԼԻ ՄԻՆԱ ԽԱԹՈՒՆԻՍ Է. ԴՍԵՐ ՄԵԾԻ ԱՐՔԱԻՆ ՁԱԼԱԼԻՆ ԵՒ ԱՍՈՒՄՆՈ ՄԵԾԱՉԳԻ ԻՇԽԱՆԻՆ ՏԱՐՍԱԻՃԻՆ ԵՒ ԻՄ ՈՐԴՈՅՍ ՁԱԼԱԼԻՍ. ՈՐ ԳՆԵՑԱՔ Ի ՄԵՐ ՀԱԼԱԼ ԸՆՉԻՑ ԶԼՈՐՊԵՏԻՆ ԱՅԳԻՆ Ի ՎԵԴԻ ԵՒ ԶԱՅԼԸ Ի ԿՈՐԴՈ ԳՆԵՑԱՔ Ի ՀԱՅՐԵՆԱՏԻՐԱՏՆ ԵՒ ՏՆԿԵՑԱՔ ԵՒ ԲԼՈՒՐԵՑԻ Զ:Դ: ԴԵՀԼ:Ա: ՃԱԿԱՏՆ ԲՆԱՇԱՀ ՌԱՀՆ ՈՒ ԻՐ ՊԱՉՈՒՄԻՆ ԱՅԳԻՆ,:Ա: ՃԱԿԱՏՆ ԻՐԻՑԻՆ ԱՅԳԻՆ ՏԵՂ:ԺԲ: ԳՐՎԻ ԶՈՂ ԶԱՌԱՋ ԱՅԼ ՏՎԱԾ ԵՐ ՎԱՆԻՑՍ ՄԵՔ ՄԵՐ ՅԱԲԺԱՐՈՒԹԵԱՄԲ ՎԵՐՍՏԻՆ ՏՎԱՔ Ի ՆՈՐԱՎԱՆՍ ՅԱԲԱՂԳ ՍԲ ՆՇԱՆՍ ԵՒ Ի ՏՐ ՍՏԵՓԱՆՈՍ ՎԱՍՆ ՀՈԳԵՑ ԱՐՔԱՅԱՇՈՒԹ ՏԵԱՌՆ ԻՄՈ ՏԱՐՍԱԻՃԻՆ. ԻՍԿ ՏՐ ՍՏԵՓԱՆՈՍ ԵՒ ՄԻԱԲԱՆ ԵՂԱՐՔՍ ԿԱՐԳԵՑԻՆ ՆՄԱ ՅԻՇԱՏԱԿ ԱՆՁԻՆՁ ԶՏԱԻՆ ՀԱՄԲԱՐՁՄԱՆ. ԶԻ ՅԱՅՆԱ ԱԻՈՒՐ ՀԱՂԴԻՍԻԻ ԱԻՐՀՆԵՍԵՆ ԶԾԻՐԻՄՍ ՆՈՐԱ ԵՒ:Ժ: ԱԻՐ ՊԱՏԱՐԱԳ ՄԱՏՉԻ, ԵՒ ԱՅՍ ՏՈՒՐՔՍ ՈՉ Ի ԶՐԿԱՆԱՑ ՈՉ Ի ԳԼԵՂԷ, ՈՉ Ի ՊԱՐՈՆԱՀՈՐՈ ԱՅԼ ՄԵՐ ՀԱԼԱԼ ԴՐԱՄԱԳԻՆ՝ ԱՉԱՏ ՅԱՄԵՆ ՅԱՐԿԱՑ. ՈՐ ՈՉ ՈՒՄ ՀԱՇԻԻ ՉԿԱ Ի ՀԵՑ: ԱՐԴ ԹԷ Ի ՄԵՐՈՑ ԿԱՍ ՅԱԲՏԱՐԱԾ ԿԱՍ ՅԻՇԽԱՆԱՑ ԿԱՍ Ի ՁԵՌՆԱՈՐԱՑ ԶԻՆՉ ԵՒ ԻՑԷ ՊԱՏՃԱՌԱԲ ՆԵՆԳԵԼ ԿԱՍՂ ՀԱՆԵԼ ՁԱՆԱՆ ԶԱՅՍ ԱՅԳԻՍ Ի ՆՈՐԱՎԱՆԻՑ ԿՏՐԵԱԼ ԼԻՑԻՆ ՆՈՔԱ ՅԵՐԿՈՒ ԿԵՆԱՑ, ԸՆԴ ԱԻՉԻՆ ԵՒ ԸՆԴ ՍԱՏԱՆԱԻ ՆՉՈՎԵԼ ԵՂԻՑԻ ՅԱՍԵՆԱԿԱԼ ԲԵՐԱՆԵՆ ԱՅ. ԶԿԱՅԵՆԻՆ, ԶՅՈՒԴԱՅԻՆ, ԶՅՈՒԼԻԱՆՈՍԻՆ ԱՌՁԷ ՎԱՐՁ ՏԺ ԸՆԴ ՎԱՍՂԱԿԱ ՈՒՐԱՑՈՂԻՆ ԴԱՏԵՍՑԻ, ՅԵՐԻՑ ՍԲ ԺՈՂՈՎՈՅՆ ԵՒ ՅԱՄԵՆ ՍՐԲՈՑ ԱՆԻՇԵԱԼ ԼԻՑԻ Ի ՄԱՀ ԵՒ Ի ԿԵԱՆՔ ԵՒ ԹԷ ՏԱՃԻԿՂ ԱԲԱԴ ՓՈԽԻ ԵՒ ՀԱՆԵԼ ՁԱՆԱ:Ո::Ո::Ո: (1000 1000 1000) ՆԱԼԱԹ ԼԻՆԻ, ՅԻՐ ՄԱՀՄԵՏԵՆ ԱՊԻՉԱՐ ԼԻՆԻ: Ի ԹՎԻՍ:ՉԻԱ: (1292): ՀԱՍՏԱՏ Է ԳԻՐՍ ԿԱՄԱԲԻՆ ԱՅ:²

Արձանագրությանը անդրադարձել է նաև Ղ. Ալիշանը:³ Արձանագրությունից պարզ է դառնում, որ Մինա խաթունը 1292թ. Վեդիում գնել է Լորպետի այգին և այն նվիրել Լորավանքի ս. Նշան եկեղեցուն: Արձանագրությունից նաև պարզ է դառնում, որ Մինա խաթունն այն գնել էր «մեր հալալ դրամագին՝ ազատ յամեն յարկաց» և նաև սահմանել էր նվիրատվական արձանագրություններին բնորոշ անեծքի բանաձև:

Ի դեպ, Մինա խաթունի մասին Հացունիյն գրել է. « Իսկ 1298ին ինք կ'երթայ հանգչելու Նոյն մենաստանին մեջ, ուր ցարդ կը խօսի պերճօրեն իւր մահարձանը»:⁴

Մինա խաթունի դուստրը՝ Ասփան, մորից ժառանգել էր շինարարական ու

1 **Սարգսյան Գ.**, Լորավանքի նուիրատվական արձանագրությունները եւ մի տեղադրութեան ճշգրտման փորձ, Լորավանք, Բ հրատ., Սոնրեալ-Երևան, 2001, էջ 77:

2 Դիվան հայ վիմագրության, պրակ 3, էջ 239:

3 Միսական, Տեղագրութիւն Սյունեաց աշխարհի, ի հ. Ղեւոնդեայ Մ. Ալիշան, Վենետիկ, Ի Մխիթարայ Վանս, Ի Ս. Ղազար, 1893, էջ 191-192:

4 **Հացունի Վ.**, Նշվ. աշխ., էջ 198:

նվիրատվական այդ ծիրքը և հարս գնալով խաչեն՝ զբաղվել հայրենանվեր գործունեությամբ:

Տարսայիճ Օրբեյանի և Մինա խաթունի դուստր Ասփան ամուսնացած էր Դոփյան տոհմից Գրիգորի հետ: Սյունեցի այս իշխանուհին հարս գնալով Արցախ, այնտեղ ծննարկել է շինարարական և նվիրատվական գործունեություն: Իր գործունեությունը հավերժացնող բոլոր արձանագրություններում Ասփան նշում է, որ դուստրն է «արքայաշուք Տարսայիճի» և «թագազարմ Մինա խաթունի»:

Ասփան խաթրա վանքում կամ խթրավանքում, որը Դոփյան ցեղի գերեզմանատունն է, կառուցել է բեմի սեղան, ինչի մասին վանքի ներսում բեմի երեսին, թողել է արձանագրություն: Վանքի անունը արձանագրություններում և աղբյուրներում հիշատակվում է հադարի կամ հադայի վանք, բայց գրվել է նաև խաթրա վանք կամ խթրավանք, որը ժողովրդական արտասանության հետևանք է:¹:

Խաթրա վանքի արձանագրությունը, որտեղ նշվում է Ասփայի կողմից բեմի սեղանի կառուցման մասին, ունի հետևյալ բովանդակությունը.

«Շնորհիւ Քրիստոսի ես Ասփե դուստր արքայաշուք իշխանին Տարսայիճի, թագազարմ մարն իմոյ Մինա խաթունին, նպաստ եղեալ քրիստոսապսակ գլխոյ իմոյ մեծափառ իշխանին Գրիգորի սուրբ եկեղեցոյս, կամեցայ ի ձեռն քահանայապետին մեծի տեսան Յովհաննիսի՝ զիմ յարդար ընչից կանգնեցի Բեմի սեղան ի զենմանն Քրիստոսի, զի ամենայն կիրակե և շաբաթ տանն ծննդեան և տեսնընդառաջին, զատկի, զվարդավառին, աստուածածնին և սուրբ խաչի ինձ կատարի պատարագ զամեն եկեղեցիքս, որ և տուի զմեր խաս հողն Բլրի հանդի զսենեկպան. ա. բահի ջուր, թէ ոք ի մերոյ կամ զպատարագն խափանէ, ի փառաց որդւոյն Աստուծոյ, որոշեալ եղիցի»²:

Այս արձանագրությունը հրատարակել են Շահխաթունյանցը³, Ջալալյանցը⁴ և Բարխուտարեանցը: Դիվան հայ վիմագրության 5-րդ պրակում նշվում է, որ արձանագրության տեղադրությունը նշել է միայն Բարխուտարեանցը, որը սխալ է, քանի որ բեմի ճակատը զբաղեցրել է այլ արձանագրություն: 3 հրատարակիչներն էլ՝ Շահխաթունեանց, Ջալալեանց և Բարխուտարեանց, արտագրել են իրարից, իսկ բուն աղբյուրը Եսայի կաթողիկոսի ձեռագիրն է, որում ստույգ տեղադրություն չկա նշված, այլ միայն գրված է՝ «խաթրայ վանուց արձանն է»⁵:

Խթրայ վանքի արձանագրություններից մեկն էլ հիշատակում է Ասփայի կողմից կամուրջի կառուցման մասին: Արձանագրությունն ունի հետևյալ բովանդակությունը.

«Կամանն Աստուծոյ ես Ասփայ դուստր մեծ իշխանին Տարսայիճին և Մինախաթունին և ամուսին Հսկազար իշխանին Գրիգորի որդւոյ մեծ իշխանին

1 Դիվան հայ վիմագրության, պրակ 5, կազմեց **Ս. Բարխուդարյան**, Երևան, 1982, էջ 121:

2 Արցախ, երկասիրեց Մակար Եպիս. Բարխուտարեանց, Բագու, 1895, էջ 194-195: **Սարգիս Ջալալեանց**, 1842, էջ 206:

3 Ստորագրութիւն Կաթողիկէ Էջմիածնի և հինգ գաւառացն Արարատայ, Աշխատասիրութեամբ **Յովհաննու Եպիսկոպոսի Շահխաթունեանց** շահրիարցոյ միաբանի սրբոյ Էջմիածնի, Հ. Երկրորդ, Ի Ս. Կաթողիկէ Էջմիածին, 1842=ռմղա, էջ 362: **Սարգիս Ջալալեանց**, Հ. 1, էջ 206:

4 **Սարգիս Ջալալեանց**, Հ. 1, էջ 206:

5 Դիվան հայ վիմագրության, պրակ 5, էջ 129:

Հասանալ քաջի Տեառն Աղուանից կանգնեցի զխաչս. շինեցի զկարմունչս. յի-
շատակ հոգւոյ մերոց անցնելոց ներկայից և ապագայից»¹:

Ասփայի կողմից բեմի սեղանի և կամուրջի կառուցումը վկայող վիմագիր արձանագրությունները չեն պահպանվել, և Դիվան հայ վիմագրության 5-րդ հատորում դրանք զետեղվել են եսայի կաթողիկոսի ձեռագրի արտագրություն-
նից, և նշվում է, որ վանքի և Վաղուհաս գյուղի արանքում Թարթառ գետի վրա,
մտում են այդ կամուրջի խելերը, իսկ ձախ ափին՝ Ժայռերի վրա, կրաշաղախի
տեղերը, որտեղ էլ կանգնեցված է եղել խաչքարը²:

Սակայն ինչպես նշում է կաթողիկոս Գ. Հովսեփյանը, Ասփայի բարեգոր-
ծության ամենամեծ հուշարձանը Թարգմանչաց ավետարանն է: Ձեռագիրն
այդ անունը ստացել է Գանձակի մոտ գտնվող Թարգմանչաց վանքում պահ-
վելու պատճառով³: Ըստ Հովսեփյանի՝ Ավետարանը գրված է 1202 թվականին
երկաթագրով, Տիրացու գրչի ձեռքով: Ծաղկողը Գրիգոր երեցն էր, առաջին
ստացողը Հովհաննես ավագերեցը, իսկ Ասփան երկրորդ ստացողն էր:⁴ Ավե-
տարանը տեղեկություններ է հաղորդում Ասփայի, Գրիգոր իշխանի, Դոփեանց
մյուս իշխանների մասին, իսկ Ղուկասի վերջում գրված է. «Ձմեծ եւ զամենաւրի-
նեալ պարոնաց պարոն զԳրիգոր որդի Դոփին եւ զամենագովելի զբարեպաշտ
ամուսին իւր զպարոն Ասփայն, զստացողք եւ զարդարիչք սուրբ աւետարանիս
յիշեցեք ի Քրիստոս»:⁵ Մատթեոսի վերջին հիշատակարանում էլ նշվում է, որ
Ասփան զարդարել է «զանազան սպասիւք եւ շինուածիւք զեկեղեցիս Հայաս-
տանեայց, ստացաւ եւ սուրբ աւետարանս յարդար ընչից իւրոյ եւ ընծայեաց ի
սուրբ ուխտն հաղարի», որ Դոփեանց գերեզմանատունն էր⁶:

Վայոց ձորում կան մի շարք արձանագրություններ, որոնք տեղեկություն-
ներ են հաղորդում տարբեր շինությունների կառուցման և խաչքարերի կանգ-
նեցման ժամանակ կանանց մասնակցության մասին: Այսպես, Արփա հին գյու-
ղատեղի դիմաց՝ գետի աջ ափին՝ «վարդապետի հող» կոչված վայրում, կա մի
խաչքար, որի վրա նշված է Սողոմոնի որդի Սարգիսի և Նրա կնոջ՝ Աբիքի կող-
մից 1303 թվականին խաչի կանգնեցման մասին: Ի դեպ, արձանագրության
մեջ նշվող տիկնոջ՝ Աբիքի անունը Ալիշանը վերծանել է Աբեժա:⁷ Սակայն Դիվան
հայ վիմագրության 3-րդ հատորում արձանագրության գրչագրից ակնհայտ
կարդացվում է Աբիք անունը: Ահա այդ արձանագրության տեքստը.

**ՅՈՒՍՈՎ ՈՂՈՐՄԱԾԻՆ ԱՅ. ԵՒ ԱՂ ԻԺ[Ա]ՆԴԿՈՒԹԲ. ՏՆ. ԻՍՈՅ ՏՐ. ՍՏԵՓԱՆԼ
ՆՈՍԻ, ԵՍ ՍԱՐԳԻՍ, ՈՐԴԻ ՍՈՂՈՍՈՆԻ ԵՒ ԱՍՈՒՄԻՆ ԻՄՂ ԱԲԻԶՍ ԿԱՆԿԱՆԵՑԱԸ
ՉԻԱԳՍ Ի ԲԱՐԵԽԱՎՍՈՒԹ[Ի] ՄԵՉ ԵՒ ԾՆՈՂԱՑ ՄԵՐՈՑ. ԹՎԻՍ:ՉԾԲ⁸:**

Հերիերի ս. Սիոն վանքի արձանագրություններում ևս հիշատակություն-
ներ կան շինարարություն և նվիրատվություն կատարած կանանց մասին:
Նախ մինչև Հերիերի ս-բ Սիոն վանքի արձանագրություններում հիշատակված
սյունեցի կանանց անդրադառնալը, փորձենք պարզել վանքի տեղադրությունը
և կառուցվածքը, ապա փորձենք վերլուծել արձանագրությունները:

1 **Զալալեանց Ս.**, 1842, էջ 206

2 Դիվան հայ վիմագրության, պրակ 5, էջ 130:

3 **Գարեգին կաթողիկոս Յովսեփեան**, նշվ. աշխ., էջ 435:

4 Նույն տեղում, էջ 436:

5 Նույն տեղում, էջ 436:

6 Նույն տեղում, էջ 436:

7 **Ալիշան Ղ.**, էջ 184:

8 Դիվան հայ վիմագրության, պրակ 3, էջ 33:

Հերիերի ս-բ Սիոն վանքը գտնվում է Վայոց Ձորի Հերիեր գյուղից մոտ 1 կմ հյուսիս-արևելք՝ երկու ձորերով եզերվող բլրակի գագաթին: Այս հուշարձանի հիմնադրման և պատմության վերաբերյալ բանասիրության մեջ երկու սխալ կարծիք կա՝ երկուսն էլ հիմնված Ստ. Օրբեյանի հաղորդածի սխալ մեկնաբանման վրա: Պատմագիրը, նկարագրելով Սիոնի վանքը, նրա հիմնադրման մասին գրում է. «...ի մեծ բարեպաշտուհուն Վարագոխտոյ՝ Սիւնեաց տիկնոջէ յառաջ քան զհայ թուականն»: Ալիշանը և Լալայանը, հավանաբար, շփոթելով Սիւնի և Սիոն կոչումները, պատմագրի խոսքերը վերագրել են Հերիերի այդ հուշարձանին: Սիւնի վանքը գտնվում է պատմական Ծղուկ գավառում:¹

Ըստ Հ. Եղիազարյանի՝ վանքի հյուսիսային կողմի եկեղեցին կոչվում է ս. Սիոն և այն ամենահին ու ամենասկզբնական կառույցն է: Շենքի կառուցվածքային առանձնահատկությունները՝ կենտրոնազմբեթ, խաչաձև հատակագիծը և բազիլիկատիպ որոշակի ձևերի միացումը վկայում են կառույցի՝ 6-7-րդ դարերում կառուցված լինելը²: Իսկ Դիվան հայ վիմագրության 3-րդ պրակում սկզբնական կառույցը կոչվում է ս. Հովհաննես, որը կառուցված է կոփածո քարերով, ինչի պատճառով էլ զուրկ է արձանագրություններից³: Երկրորդ եկեղեցին կից է ս. Հովհաննեսին հյուսիսից և նույնպես անարձանագիր է, իսկ երրորդ եկեղեցին, որը մեզ հետաքրքրում է, ս. Աստվածածինն է և կից է ս. Հովհաննեսին հարավից:

Վանքի ընդարձակ բակի հյուսիսային մասը փոս է, որտեղ պահպանվել են բազմաթիվ խցերի և տնտեսական այլ շենքերի մնացորդներ, իսկ արևմտյան մասում տարածվում է գերզմանատունը, որտեղ կան բազմաթիվ տապալանաքարեր և խաչքարեր՝ մի մասը արձանագրություններով: Վանքը հյուսիսից և արևմուտքից շրջապատված է եղել պարիսպներով, իսկ մյուս երկու կողմից պաշտպանվել է խոր ձորերով⁴:

Այժմ համառոտ անդրադառնանք մեզ հետաքրքրող Ս. Աստվածածին եկեղեցու կառուցմանն ու կառուցվածքին:

Ինչ վերաբերում է Ս. Աստվածածնի կառուցմանը, ապա ներսի հարավային պատի վրա փորագրված ընդարձակ արձանագրության համաձայն՝ եկեղեցին կառուցել է Մագիստրոսի թոռ, Վասակի որդի Պարոն Վահրամը 1282-1283թթ.: Եկեղեցու արևմտյան պատի ճակատամասում քանդակված է Օրբեյանների տոհմանիշը⁵:

Ս. Աստվածածին եկեղեցին ամբողջությամբ կառուցված է սրբատաշ քարերով, ներքուստ և արտաքուստ ունի բազմաթիվ արձանագրություններ: Հենց այդ արձանագրություններում կան հիշատակություններ կանանց շինարարական ու նվիրատվական գործունեության վերաբերյալ: Այժմ անդրադառնանք այդ արձանագրություններին:

Հերիերի Սիոնի վանքի Ս. Աստվածածնի հարավային պատի ամբողջ երկարությամբ, մասամբ նաև արևմտյան և բեմի պատերի արձանագրության մեջ հիշատակվում է Վասակի որդի Վահրամի և իր տիկնոջ՝ **Սանդուխտի** կող-

1 Նույն տեղում, էջ 48:

2 Եղիազարյան Հ., Հերիերի Ս. Սիոն և Ս. Գևորգ անապատները և դրանց վիմական արձանագրությունները, Էջմիածին, 1974, սեպտեմբեր, էջ 43:

3 Դիվան հայ վիմագրության, պրակ 3, էջ 33:

4 Դիվան հայ վիմագրության, պրակ 3, էջ 48:

5 Եղիազարյան Հ., նշվ. աշխ., էջ 44:

մից 1283 թվականին եկեղեցու շինարարության և սպասքի նվիրատվության մասին: Ահա այդ արձանագրության տեքստը.

ԿԱՄԱԲ ՀՉԱԲԻՆ ԱՅ. |ԱՅՍ ԳԻՐ ՅԻՇԱՏԱԿԻ ԵՒ ԱՐՁԱՆ ԱՆՁՆՁԵԼԻ ԱՐՔԱՅԱՇՈՒՔ ՊԱՐՈՆԻՆ ՎԱՀՐԱՄԱՅ, ՈՐԴՈՅ ՎԱՍԱԿԱՅ. ԹՈՈՆ ՄԵԾԻՆ ՍԱԳԵՍՏՐՈՍԻ ԵՒ ԲԱՐԵՊԱՇՏՈՀՈՅ ՍԱՆԴՆՈՅ ԱՍՈ[ԻՈՆ]ՈՅ ԻՐՈՅ ԵՒ ԳԵՂԵՑԻԿ| ՊՏՐՈՅ ՆՈՑԱՅ ՈՒՔԱՆԱՅ, ԵՒ ՔԱԶԱԶԱԲԻՆ ԵՒ ՄԵԾ ԱՍՊԱՐԱՊԵՏԻՆ ՎԱՐ[Հ]ԱՄԱ. ԵՒ ՔՍԱՍԵՐ ՄԱԲՐՆ ԻԵՐՈ| ՄԱՍՔԱՆԱՅ, ԵՒ ԲԱՐԵՏՈՀՄԻԿ ԱԲԻՈՐԴ ԱՍՈՒՍՆՈՅ ԻՐՈՅ ԳՈՆՑԱԻՆ, ՈՐ ՄԵԾԱԶԱՆ ԱՇԽԱՏՈՒԹԵԱՄԲ ՇԻՆԵՑԻՆ ԶԵԿԵՂԵՅԻՍ [ԵՒ] ԲԱԶՈՒՄ ՄՊԱՍԻՔ ԶԱՐԴԱՐԵՑԻՆ՝ ՅԱՂԱԳՍ ԱՐՔԱՈՒԹԵ. ՅՈՒՍՈՒՅՆ ԵՒ ԵՐԿԱՐՈՒԹԵ ԿԵՆԱՅ ԻՐԵԿԱՆՅ ԵՒ ԶԱՐՄԻՅՆ ԻՐԵԿԱՆՅ ՈՒՔԱՆԱ| [ԵՒ ԵՏՈՒՆ]. ՆՈՒԲԵՐՍ Ի ՍԲ ՈՒԽՏՍ ՉԱՔԱՐԱԹԱԴԻՆ ԱՅԳԻՆ ՎԵՐԻՆ ՀԱՏՈ[ՎՆ]. ԿՈՌ ԱՐՏՈՎՆ. . . . ԵԶՐՆ, ՈՐ ՄԵԾ ԱՌ[Ո]ԻՆ ԳՆԱԼԱ| ԵՆ. . . ԸՆԴՈՅԶԻՆ. ՅԻՐԻՑԱԿԱԼԵՐՆ:Գ: ՀՈՂՈՇ[Ե]ՐՏ. ՉԵՑ ԱՐՓԱ|ԿՈՂՃԻՔՆ ՄԻՆՉԵԻ Ի ՎԱՆՔՆ|. ՀԱՏՈՂԱՔԱՐ ՊԱՐՈՆԱՑՆ:Դ: ՊԱՏԱՐԱԳ ՈՒՔԱՆԱՅ ՉԱՏԿԻՆ:Դ: ՄԱՍՔԱՆ[ԱՅ] ՎԱՐԴ[ԱՎԱՈՒՆ]. ԻՆՉ ԵՏ ԱՍԵՆ. ԿԱՏԱՐ[ԱՐ]ԵՆ. ՈՎ ԽԱՓԱՆԵ ԴԱՏԻ|. . . . ԴԱՏԱՍՏԱՆ[ԻՆ] ԵՒ ԹԵ ՅԱՆԴԸԳԻՆ ՅԱՅ ԱՍԵՆԱԿԱԼԻՆ ՆՉՈՎ[ԱՅ ԵՂԻՑԻ] ՄԱՐՍՆՈՎ ԹՎ:ՉԼԲ: (1283) ԳՐԵՑԱԲ: ¹

Նույն Ս. Աստվածածնի հյուսիսային պատի արևելյան մասի արձանագրության մեջ հիշատակություն կա 1321 թվականին Ս. Հովհաննես եկեղեցուն Բերդավազի և իր տիկնոջ՝ Խաթունի նվիրատվության մասին.

ԿԱՄԱԲ ԱՅ ԵՍ ԲԵՐԴԱՎԱԳՍ ԵՒ ԱՍՈՒՍԻՆ ԻՄ| ԽԱԹՈՒՆ ԶՍԲ ՅՈՎԱՆԵՍՍ Ի ՍԲ ՈՒԽՏՍ ՏՎԱՔ| ԶԻՆՉ ԱՅԼ ՀՈԳՈՅ ԲԱԺԻՆ ԿԵՐ. ՎԱՐԴԱՊԵՏ, ՄԻԱԲԱՆԵ:Բ: ՊԱՏ|ԱՐԱԳ ՍԱՀՄԱՆԵՑԻՆ ՅՈՎԱՆՈՒ ՏԱԲԻՆ:Ա: ԻՆՉ| ԲԵՐԴԱԲ[ԱԳԻՍ]:Ա: ԽԱԹ[ՈՒՆԻՆ]. ԿԱՏԱՐԻՉՔ ԱԲՐՀԻՆ ՅԱՅ Ի ԹՎ:ՉՀ: (1321)²

Այստեղ հատկանշականն այն է, որ Ս. Հովհաննեսի վանքին տրվող նվիրատվության մասին արձանագրությունը գրվել է Ս. Աստվածածնի եկեղեցու պատին: Պատճառն այն է, որ Ս. Հովհաննես եկեղեցին կառուցված է կոփածո քարերով և զուրկ է արձանագրություններից:

Ս. Աստվածածնի հյուսիսային պատի արևմտյան մասի արձանագրության մեջ նշվում է, որ Հասանի դուստր Մամբանը 1318 թվականին ոսկե ապարանջանը տալով գնում է Ս. Սիոնի ներքևի հողը և այն նվիրում վանքին:

ԿԱՄԱԲ ԱՅ ԵՍ ՄԱՍՔԱՆ ԴՈՒՍՐ ՀԱՍԱՆԱ, ԻՍ ՈՐԴԻ| ՎԱՐԹԱՆԿ ԶԻՍ ՈՍԿԻ ԱՌՊՆՃԱՆԻ ԳՈՆԾԵՆ ՏՎԱՔ| ԶՍԲ ՄԻՈՆԻ ՏԱԿԻ ՀՈՂՆ ՎԱՐԴԱՊԵՏԵՆՅ ԱՌԱՔ. ՍԲ ՈՒԽՏՍ| ՏՎԱՔ: ՎԱՐԴԱՊԵՏ, ՄԻԱԲԱՆԵ:Բ: ՊԱՏԱՐԱԳ ՍԱՀՄԱՆԵՑԻՆ ԾԱՌ|ԶԱՐԴ[ԱՐ] ԻՆ:Ա: ԻՆՉ:Ա: ԻՍ ՈՐԴՈՅՆ ՄԵԲԱԴԻ, ՈՎ ԽԱՓ|ԱՆԵ ԴԱՏԻ ՅԱՅ. Ի ԹՎ.:ՉԿԵ: (1318):³

Ս. Աստվածածնի հարավային պատի արևմտյան մասի արձանագրության մեջ նշվում է նաև 1346 թվականին Վահրամ Շահունետցու տիկնոջ՝ Գոնցեի կողմից կատարված նվիրատվության մասին.

ԿԱՄԱԲ ԱՍԵՆԱԿԱԼԻՆ ԱՅ ԵՒ ԻՇԽԱՆՈՒԹԲ ՄԵԾ ՊԱՐՈՆ ԲՈՒՐԹԵԼԻՆ ԵՒ| ՈՐԴՈՅ ԻՐՈՅ ԲԵՇԹԵՆԱ ԵՒ ԻՆԱՆԻԿԻՆ, ԵՍ ԳՈՆՑԵ ԱՍՈՒՍԻՆ ՎԱՀՐԱՄԱՅ,

1 Դիվան հայ վիմագրության, պրակ 3, էջ 51:

2 Նույն տեղում, էջ 53:

3 Նույն տեղում, էջ 56:

ՈՐԴՈՅ ՇԱՀՈՒԻՆԵԼՅՈՒՆ, ԴՈՒՍՏԻ ԽՈՍՐՈՎԿԿԱ ՅԱԶԳԵ ՏԱՐ[Ս]ԱԻՃԵԱՆՑ ԵՏՈՒ Ի ՀԱՆԱԼ ԱՐԴԵԱՆՑ ԵՒ ՀԵՂԵԱՆԵԱՑ ԻՍՈՅ Ի ՍԲ ՈՒԽՏՍ ՎԱՍԼ ՀՈԳԻՈՐԴԵԱՑ ԻՍՈՅ ՈՒՔԱՆԱ, ԱՄԱՏԻՆ ՈՐ ՏՂԱ [Ա]ԻՐԱԻՔ ԻՂ ԶՍ ԿԱՏ[ԱՐ]ԵՑԱՆ ԴԻՏԻ ՍԲ ԳԵՐԳՆ ԻՐ ՀԵՐԵՆԱԻՔ, ԻՐ ԽԱԳԻՆ ՍՏԱԻՔ Ի ՀԱՄԱՍԱՄԼԵՍ ԶԳԱԶԱՐԱՓՈՍԻՆ ԷԴԻՆ:Բ::Ո: ԴԵԿԱՆ ԳՆՈՒԱԾՔ ՈՒ:Ճ: ԴԵԿ[ԱՆ] ԳՆՈՒԱԾՂ ԲԱՍԲԱԿ ՀՈՂ ԵՒ ՀԱՄԱՄԱՏԵՍՆ ՈՒ ԶՈՐԶԱՔԱՐԻՆ ՀՈՂՆ Ի ՅԱՂՋՐՏԱՊ ԵՒ ՄԻԱՄԱՆՔՍ ՀԱՍՏԱՏԵՑԻՆ Ի ՏԱՐԻՆ:ԺԲ: ԴԱՏԱՐԱԳ ՍԲ.ԽԱԳԻՆ ՏԱԻՆ:Դ: ՍՄԱՏԻՆ:Դ: ՈՒՔԱՆԱ:Խ:-ԻՑ ՏԱԻՆ:Դ: ԴԱՏԱՐԱԳ:Բ: ԳՈՆՑԻՆ:Բ: ԹՈՒԽՏԵՆՈ: ԿԱՏԱՐԻԶՔ ԱԻՐՀՆԵ[Ն] ՅԱՅ ԵՒ ԽԱՓԱՆՈՂՔՆ ԴԱՏԻՆ Ի ՏԵ: ՍԿ ՀԱԿԱ[ՈՎ]ԿԱ ՄԵՐՈՅ ԿԱՍ ՅԱԻՏԱՐԱՑ ՄԵՐ ՄԵՂԱՑՆ ՏԵՐ Է ԱՈՒԱԶԻ ՔԻ ԹՎ:ԶԴԳ: (1346):¹

Այս արձանագրությունից պարզ է դառնում, որ Վահրամ Շահռունեցու տիկին Գոնցեն՝ Տարսայիճի տոհմից Խոսրովի դուստրը, նաև 100 դեկանով բամբակ հող և Համամատեսի ու Չորձաքարի հողերն է գնել: Ի դեպ, նշենք նաև, որ Վահրամ Շահռունեցին Օրբեյանների գորաբանակի հրամանատարն էր և Հերիեր գյուղն իր շրջակայքով որպես կալվածք ստացել էր Տարսայիճ Օրբեյանից:

Ա. Աստվածածնի արևմտյան պատի հյուսիսային մասի արձանագրությունը վկայում է Կարապետի և իր կնոջ՝ Տիկնանց Տիկնոջ կողմից վանքին նվիրատվության մասին.

ՍԲ ԳՐԻԳՈՐԻ ՏԱԻՆ ԿԱՄԱԻՆ ԱՅ ԵՍ ԿԱՐԱՊԵՏՍ ԵՒ ԱՍՍՈՒՄԻՆ ԻՄ ՏԻԿՆԱՆՑ ՏԻԿԻՆ ԶՍԵՐ ՀՈԳՈՅՂ ԲԱԺԻՆ Ի ՍԲ ՈՒԽՏՍ ՏՎԱՔ ՎԱՐԴԱՊԵՏ, ՄԻԱԲԱՆԵ:Բ: ԴԱՏԱՐԱԳ ՏՎԻՆ ՄԻՆ ԻՆՁ:Ա: ԱՍՈՒՄՆԻ ԻՄ ԿԱՏԱՐԻԶՔ ԱԻՐՀՆԻՆ ՅԱՅ. ²

Թանատի կամ Թանահատի վանքում ևս պահպանվել են կանանց նվիրատվական և շինարարական գործունեությունը փաստող մի շարք արձանագրություններ: Մինչ այդ անդրադառնանք Թանահատի վանքի տեղադրության հարցին, քանի որ այն երկար ժամանակ վիճաբանության առարկա էր, և հետո միայն ներկայացնենք կանանց կողմից կատարված նվիրատվությունները փաստող արձանագրությունները:

Նախ ասենք, որ գոյություն են ունեցել երկու Թանահատի վանքեր և երկուսի եկեղեցիներն էլ կոչվել են ս. Ստեփանոս: Վանքի Թանահատ կամ Թանատ անունը, ինչպես և գլխավոր եկեղեցու ս. Ստեփանոս անունը պատմագիտական գրականության մեջ մի քիչ խառնաշփոթ են առաջացրել: Բանն այն է, որ Թանահատի վանքի տեղեկությունների հիմնական աղբյուրը Ստ. Օրբեյանի պատմությունն է: Ընդ որում, Ստ. Օրբեյանը Թանահատի վանքի մասին գրում է. «Առաջին գլուխն ամանեցունց վանորեից և աղբիւր շնորհաբաշխութեան տանն Սիսական՝ Տաթև.-ապա մեծ առաքինարանն Թանատէ վանս»³: Գոյություն ունեն երկու եկեղեցիներ Թանահատ անվամբ, որից հնագույնը՝ Սյունիքի Ծղուկ գավառում, իսկ մյուսը՝ Վայոց ձոր գավառում կապված 8-րդ դարի նշանավոր մտավորական Ստեփանոս եպիսկոպոսի սպանության և այստեղ թաղվելու դեպքերի հետ: Երկար տարիներ Թանահատի այդ երկու վանքերից միայն մեկի՝ Վայոց ձորում գտնվածի տեղն էր ստույգ հայտնի, այդ պատճառով

1 Նույն տեղում, էջ 56:
2 Նույն տեղում, էջ 57:
3 Օրբեյան Ա., նշվ. աշխ., էջ 248:

Էլ պատմագիրների հաղորդած տեղեկությունները վերագրվում էին միայն Վայոց Ձորի Թանահատի վանքին:

Ծղուկ գավառում Ս. Բարխուդարյանի շնորհիվ գտնվեց պատմագրի նշած հնագույն Թանահատի վանքը, որի և՛ տեղադրությունը, և՛ արձանագրությունները, և՛ այլ մանրամասնություններ լրիվ համընկնում են Օրբեյանի նկարագրությունների հետ: Այսպիսով վերացավ Թանահատի երկու վանքերը միացնելու անտեղի շփոթը:¹

Նախ ասենք, որ Սիսիանի Թանահատի վանքի փլատակների մաքրման և պեղման ժամանակ հայտնաբերվել է բազալտի երկնիստ կոթող՝ ուրարտական թագավոր Արգիշտի 2-րդի արձանագրությամբ, որը հայտնում է Ծուլուկի երկրի գրավման մասին²: Այժմ այդ քարը տեղափոխել է Երևան: Սիսիանի Թանահատի վանքը կոչվել է Նաև Կարմիր վանք, քանի որ կառուցված էր կարմիր տուֆից: Թասիկ և մոտակա մնացած գյուղերի բնակիչների հավատը վանքի հանդեպ այնքան մեծ է, որ մինչև հիմա էլ գործածում են «Կարմիր վանքը վկա է» արտահայտությունը: Այսօր դեպի Թանահատի վանք տանող ճանապարհը խիստ դժվարամատչելի է, սակայն մոտակա գյուղերի բնակիչները շարունակում են կիսավեր վանքում մատաղ անել, մոմ վառել: Թանահատի վանքն այժմ հրատապ վերականգնման կարիք ունի: Մոտակա գյուղերի բնակիչները հետաքրքիր ավանդագրույցներ են պատմում վանքի կառուցման մասին: Այդ ավանդագրույցներից մեկի համաձայն՝ վանքը կառուցել է սյունեցի տիկին, որ իր երկար հյուսերով տեղափոխել է կառուցման համար անհրաժեշտ քարերը: Բայց պատմական աղբյուրները ոչ մի տեղեկություն չեն հաղորդում սյունեցի այդ կնոջ մասին: Մեկ այլ հետաքրքիր ավանդագրույցի համաձայն էլ վանքի պահապանը վանքի պատերի քարերի կարմիր գույնի օձն է:

Այժմ անդրադառնանք Վայոց Ձորի Թանահատի վանքին և նրա Ս. Ստեփանոս եկեղեցուն, որի պատերի արձանագրություններում էլ առկա են կանանց գործունեության մասին հիշատակություններ:

Վայոց Ձորի Թանահատը գտնվում է Վերնաշեն գյուղից հարավ-արևելք՝ 6-7 կիլոմետր հեռու՝ Մալիշկա տանող ճանապարհի վրա: Թանահատի վանքում պահպանված շինություններից է **Սբ Ստեփանոս** եկեղեցին: Այն կառուցված է մուգ գույնի սրբատաշ քարերով: Բացի արձանագրություններից պահպանվել են նաև գեղեցիկ բարձրաքանդակներ:

Թանահատի վանքի Ս. Ստեփանոս եկեղեցու հարավային պատի տակ արտաքուստ, ներքին կամարի մի գոգավոր քարի վրա պահպանված 10 տողանոց արձանագրության մեջ նշվում է խալաշահի դուստր խաթունի կողմից եկեղեցուն 40 դեկան նվիրելու մասին:³ Ի դեպ, խաթուն անունը նշանակում է ազնվական տիկին⁴:

Ս. Ստեփանոսի արևմտյան մուտքի կամարակալ քարի արձանագրությունը տեղեկություն է հաղորդում 1307 թվականին Հասան սպարապետի տիկին Թաճերի կողմից Թանահատի վանքին տրված նվիրատվության մասին: Ահա այդ արձանագրության տեքստը.

1 Դիվան հայ վիմագրության, Հ. 3, էջ 72:

2 Զրիստոնյա Հայաստան, Հանրագիտարան, Երևան, 2002, էջ 378:

3 Դիվան հայ վիմագրության, պրակ 3, էջ 75:

4 **Աճառյան Հ.**, Վայոց անձնանունների բառարան, Հ. 2, 1944, էջ 444:

ԹՎ:ՉԾԶ: (1307) ԿԱՄԱԻՆ ԱՅ ԵՍ ԹԱՃԵՐՍ ԴՈՒՍՏՐԻ ՈՒՔԱՆԱ. ԱՄՈՒՄԻՆ ՀԱՍԱՆԱ ՍՊԱՐԱԴԵՍԻՆ ՀԱՈՑ ՈՐԴՈՅՆ ՊՈՌՇԱ ԵՏՈՒ ԸՆԾԱ Ի ՀԱՂԱԼ ԸՆԶԻՑ ԻՄՈՅ ՀԱՅՐԵՆԻ ՏԱՆՍ ՄԵՐ ԹԱՆԱՏԻ ՎԱՆԱՅ՝ ԱՌԱՋԻ ՎԱՐԱԳԱ ՍԲ ՆՇԱՆԻՍ ԵՒ ՍԲ ՀԱՐԱԴԵՏԻՍ. ՄԻԱԲԱՆԼԵՍ՝ ՍԱՀՄԱՆԵՑԻՆ:Դ: ՊԱՏԱՐԱԳ ԻՆՁ:Ա: ԱԲԱԳ ՀԻՆԳՇԱԲԱԹ ԱԻՐ ՀՈԳՈՅՆԳԱԼՍԵՆ:Բ: ՓՈԽՄԱՆ ԱԾԱԾԵՆ. ԿԱՏԱՐԻՉՔԼ ԱԻՐՀՆԻՆ¹:

Այս արձանագրության մեջ հիշատակված թաճերը Հասան սպարապետի կինն էր, Էաչիի մայրը: Արձանագրությունից պարզ է դառնում, որ թաճերը իր հայրենի տունը նվիրել էր թանաթի վանքին և պատվիրել պատարագ: Բացի այդ, Աճառյանը նաև նշում է, որ թաճերը 1286 թվականին գրել է տվել մի Նարեկ, ավելի ճիշտ արտագրել է տվել²:

Ս.Ստեփանոսի արևմտյան մուտքի կամարի շրջանակից վեր գտնվող արձանագրության մեջ նշվում է 1313 թվականին Խալաշահի որդի Վախթանգի կնոջ՝ Արթախաթունի կողմից Ս. Ստեփանոսի վանքին 100 դեկանի նվիրատվության մասին.

ԿԱՄԱԻՆ ԱՅ. ԵՍ ԱԻԹԱԽԱԹՈՒՆՍ ԱՄՈՒՄԻՆ ՎԱՐԹԱՆԿԱ ՈՐԴՈՅ ԽԱԼԱՇԱՀԻ ՏՎԻ:Ճ: ԴԵԿԱՆ ՍԲ ՍՏԵՓԱՆՈՍԻՍ ՎԱՐԱԳԱ՝ՍԲ ՆՇԱՆԻԱ ՎԱՐԴԱԴԵՏՍ ՄԻԱԲԱՆԼԵՍ ՍԱՀՄԱՆԵՑԻՆ:Դ: ՄԻՐ ՊԱՏԱՐԱԳ: Բ: ՉԱՏԻԿԻՆ. ԿԱՏԱՐԻՉՔԼ ԱԻՐՀՆԻՆ ԹՎ.:ՉԿԲ: (1313) ԽԱՓԱՆՈՂՆ ԴԱՏԻ:³

Աբ. Ստեփանոսի հարավային պատի արևելյան մասի արձանագրության մեջ հիշատակություն կա Սանճարի և Նրա կնոջ Թաճմելիքի կողմից վանքին տրված նվիրատվության մասին.

Կաման այ ես ՍԱՆՃԱՐՍ ՈՒ ԹԱՃՄԼԸՍ ՄԻԱԲԱՆԵՑԱԶ ՍԲ ՍՏԵՓԱՆՈՍԻՍ ԵՆ տվաք զկյուռ ԱԶԱՐԻՆ ՀՈՂՆ ՀՈՎԿԵՆՑ ՀՈՂՈՎՆ. ՄԻԱԲԱՆԼԵՍ ՏՎԻՆ հինգ ժամ Վարագայ խաչին ՏԱԻՆԻՆ. ԿԱՏՎՀԱՏԻՆ ԱԲԳԱՆ ԷԼ ՏՎԱԶ⁴:

Ս.Ստեփանոսի հյուսիսային պատի կենտրոնում պահպանված արձանագրության մեջ խոսվում է Թաճմելիքի կողմից 1 լուծ եզի նվիրատվության մասին:

ԿԱՄԱԻՆ ԱՅ. ԵՍ ԹԱՃՄԼԸՍ, ԴՈՒՍՏՐ ՄԻՍԻԹԱՐԱ ԹՈՒՆ ԽԱԼԱՇԱՀԻՆ ՏՎԻ:Ա: ՎԵՑԿԻ ԻՄ՝ ԳԵՐԵՉՄԱՆԱՏՈՒՆՍ. ՄԻԱԲԱՆԼԵՍ ՍԱՀՄԱՆԵՑԻՆ:Դ: ԺԱՍ ՍԱՆԴԻՏՈ ՏԱԻՆԻՆ:Բ: ԻՆՁ: Բ՝ ԻՍ ՄԱԻՐ. ԿԱՏԱՐԻՉՔ ԱԻՐՀՆԻՆ ԱՅ⁵:

Ս.Ստեփանոսի արևմտյան պատի հյուսիսային մասի արձանագրության մեջ հիշատակություն կա Էաչիի որդի Ջումեի և Նրա կին Խաննդգեի կողմից եկեղեցուն նվիրած ջրաղացի քարի մասին.

ԿԱՄԱԲ ԱՍԵՆԱՅՎԱԼԻՆ ԱՅ՝ ԵՍ ՋՈՒՄԵՍ, ՈՐԴԻ ԷԱՉՈ ԵՒ ԿԵՆԱԿԻՑՆ ԻՍ ԽՈՈՆԴՉԵԼ՝ ՏՎԱԶ ՉԱԻԱԳ ԱԿԱՆ ՋՐԱՂԱՑՆ ՍԲ. ՍՏԵՓԱՆՈՍԻ՝ ԳԵՐԵՉՄԱՆԻՍ. ՎԱՐԴԱԴԵՏ, ՄԻԱԲԱՆԼԵՍ ՍԱՀՄԱՆԵՑԻՆ:Դ: | ԱԻՐ ՊԱՏԱՐԱԳ ՍԲ. ԽԱՉԻՆ՝ ՏԱԻՆԻՆ:Բ: ԻՍ ԵՐԱԲԻՐՆ ՊԱՐՈՆ ԱՍԱԴԻՆ:Ա: ԷԼԽՈՒԹԼՈՅ՝. ԿԱՏԱՐՈՂՔ ԱԻՐՀՆԻՆ ԽԱՓԱՆՈՂՔԼ՝ ԴԱՏԻՆ ՅԱՅ⁶:

Արձանագրության մեջ հիշատակված Խաննդգե անունը, ըստ Աճառյանի,

1 Դիվան հայ վիմագրության, պրակ 3, էջ 76:
2 Աճառյան Հ., Հայոց անձնանունների բառարան, Հ. 2, 1944, էջ 281:
3 Դիվան հայ վիմագրության, պրակ 3, էջ 77:
4 Նույն տեղում, էջ 78:
5 Դիվան հայ վիմագրության, պրակ 3, էջ 79:
6 Նույն տեղում, էջ 80:

պարսկերենից փոխառված խոնձա (xonda) –մայր բառն է, որին ավելանալով zade-ծնեալ բառը՝ գործածվել է նաև խոնադգե-իշխանածին ձևով¹:

Ս.Ստեփանոսի արևմտյան պատի հարավային մասի արձանագրության մեջ էլ հիշատակություն կա Պենայի և Նրա կին Սուսայի կողմից 1348 թվականին Փանձաթաղից այգիների նվիրատվության մասին.

**ԿԱՄԱԻ ԱՄԵՆԱԿԱԼԻՆ ԱՅ. ԵՍ ՊԵՆԱ, ՈՐԴԻ ՍՄԲԱՏԱ, ԹՈՌՆ ԼԻՊԱՐՏԻ, ՏԵՐ ՓԱՆԶԱԹԱԴԻՆ ԵՒ| ԱՍՈՒՄԻՆ ԻՄ ՍՈՒՍԱ ՄԻԱԲԱՆԵՑԱԶ ՍԲ ԱՏԵՓԱՆՈՍԻՍ| ԵՒ ՏՈՒԱԶ Ի ՄԵՐ ՀԱԼԱԼ ՀԱՅՐԵՆԵԱՅ ՈՐ Ի Փ|ԱՆԶԱԹԱԴԻՆ ԶՄԱԶՄԱՆԵՆՑ ԵՒ ԶԱԽԱՆՇԵՆ|Յ ԷԳԻՆ ՄԵՐ ՀՈԳՈՅՍ ԲԱԺԻՆ. ԷՓՐԵՄ ՎԱՐԴԱՊԵՏՆ ԵՒ ՄԻԱԲԱՆ|ՔՆ ՍԱՀՄԱՆԵՑԻՆ ՄԵՉ ԱԾԱԾԻՆ ՏՕՆԻՆ|:2: ՊԱՏԱՐԱԳ. ԵՒ ՈՎ ՈՐ ՄԵՐ ՀՈԳՈՅ ՏՈՒԱԾ ՎԱԽՍ |ԻՍ ՀԱԿԱՌԱԿ ԿԱՅ:ՅՓՐ: ՅԱՅՐԱՊԵՏԱՅՆ Ն|ԶՈՎԵԱԼ ԵՂԻՑԻ:
:ԶՂԵ: (1348)²:**

Աբ. Ստեփանոսի արևմտյան պատի հյուսիսային մասում արտաքուստ, շի-նարարական մեծ արձանագրության ներքևում պահպանված արձանագրության մեջ նշվում է Բորինայի կողմից կատարված նվիրատվությունների մասին.

ԿԱՄԱԻ ԱՅ. ԵՍ ԲԱԽԻՆԱՅ ՄԻԱՅԲԱՆԵՑԱՅ ՍԲ ՈՒՏՏԻՍ. ԵՏՈՒ Ի| ՅԻՍ ՀԱԼԱԼ ԸՆԶԻՑ ԸՆԶԱՅ Ի ՍԲ ԱՏԵՓԱՆՈՍՍ. ՄԻԱՅԲԱՆՔՍ| ՍԱՀՄԱՆԵՑԻՆ ԱՄԵՆ ԱԻՐ ՊԱՏԱՐԱԳ ՍԲ. ԽԱԶԻՆ. ԿԱՏԱՐԻԶՔՆ ԱԻՐՀԻՆ ՅԱՅ:³

Ըստ Աճառյանի՝ արձանագրության մեջ հիշատակված Բորինա անունն իգական է, բառի ծագումն անհայտ է⁴: Այս արձանագրությունն անթվակիր է և չենք կարող նաև պարզել, որ Թանահատի վանքին այդ նվիրատվությունը որ թվականին է կատարվել:

Ս.ԱՏԵՓԱՆՈՍԻ արևմտյան պատի հյուսիսային մասում արտաքուստ, նա-խորդից ներքև, 6 տողից բաղկացած արձանագրության մեջ հիշատակվում է Սախուլիի և իր ամուսնու կողմից 1353 թվականին Սխտորալեզի այգու, Մեծ քարի հողի նվիրատվության մասին.

**ԿԱՄԱԻ ԱՄԵՆԱԿԱԼԻՆ ԱՅ. ԵՍ ԻՎԱՆԵ, ՈՐԴԻ ԽԱԼԹԻՆ ԵՒ ԱՍՈՒՄԻՆ| ԻՄ ՍԱԽՈՒԽ ԵՒ ՍՈՒՐԱՏ ՓԱՇԵՍ ՄԻԱԲԱՆԵՑԱԶ ՍԲ ՆՇԱՆԻՍ ԵՒ | ՍԲ ԱՏԵՓԱՆՈՍԻՍ ԵՒ ՏԿԻԶ ԶՄԵՐ ԳԼԱԾ ԻԳԻՆ Ի ՍԽՏՈՐԱԼԵԶ:Ա: ՀՈՂ Ի ՄԵ|ԾԱՔԱՐ ՄԻԱԲԱՆԶ ԽՈՍԱՑԱՆ:Դ: ՊԱՏԱՐԱԳ:Բ: ԻՆՁ,:Ա: ՍԱԽՈՒՄԻՆ:Ա:| ԷՍՈՒԿԱՆԻՆ ՀԱՄԲԱՐՁՄԱՆ. ԿԱՏԱՐԻԶՔՆ ԱԻՐՀԻՆ, ԽԱՓԱՆԻԶՔՆ ԴԱՏԻՆ
Ի ՏԵ ԹՎ:ՊԲ:(1353)⁵**

Ինչ վերաբերում է արձանագրության մեջ հիշատակված Սխտորալեզում գտնվող այգուն, ապա ասենք, որ Սխտորալեզ անունով գյուղը գտնվում էր Վա-յոց Ձորում, և գյուղի անունն առաջացել է խտորալեզ անվան սխալ ընթերց-մամբ ստացված Սխտորալեզ ձևից⁶:

Ս. Ստեփանոսի արևմտյան պատի տակ արտաքուստ, թափված երես-պատման արձանագրված քարերի վրա հիշատակություն կա Ուտարի և Նրա կնոջ՝ Գուռճիկի կողմից եկեղեցուն կատարած նվիրատվության մասին.

1 Աճառյան Հ., Հայոց անձնանունների բառարան, Հ. 2, 1944, էջ 521:
2 Դիվան հայ վիմագրության, պրակ 3, էջ 81:
3 Դիվան հայ վիմագրության, պրակ 3, էջ 82
4 Աճառյան Հ., Հայոց անձնանունների բառարան, Հ. 1, Երևան, 1942, էջ 403:
5 Դիվան հայ վիմագրության, պրակ 3, էջ 82-83
6 Հակոբյան Թ., Մելիք-Բախշյան Ս., Բարսեղյան Հ., Հայաստանի և հարակից շրջանների տեղանունների բառարան, Հ. 4, 1998, էջ 628:

ԿԱՄԱԻ ԱՅ. ԵՍ ՈՒՏԱՐ ԵՒ ԱՄՈՒՍԻՆ ԻՄ ԳՈՒՌ ԵՐԿ ՄԻԱԲԱՆԵՑԱԸ ՍԲ ՍՏԵՓԱՆՈՍԻ ԵՒ ՏՎԱԸ ԻՂ ՀԱԼԱԼ ԸՆԴԻՑ ՄԵՉ ՀՈԳՈՒԲԺԻՆ. ՎԱՐԴԱՊԵՏ ԵՒՂ ՄԻԱԲԱՆԸՆ ՍԱՀՄԱՆԵՑԻՆ ԾԱՌՉԱՐԴԱՐԻՆ:2: ՊԱՏԱՐԱԳ.Ղ:Դ: ԻՆՁ:Բ: ԳՈՒՌՃԻԿԻՆ ԿԱՏԱՐԻՉՔԸ ՕՐՀՆԻՆ ՅԱՅ¹:

Այս արձանագրությունը ևս անթվակիր է, և չենք կարող պարզել Ուտարի և Նրա կին Գուռչիկի կողմից կատարված նվիրատվության ժամանակը:

Ահա Թանահատի վանքի այս արժեքավոր արձանագրություններն են վկայում այդուհետև կանանց նվիրատվությունների մասին:

Հաջորդ վանքը, որի պատերի արձանագրությունները արժեքավոր տեղեկություններ են հաղորդում կանանց գործունեության մասին, Սպիտակավոր Աստվածածնի վանքն է:

Սպիտակավոր Աստվածածնի վանքի արձանագրություններում ևս բազմաթիվ տեղեկություններ կան կանանց նվիրատվական գործունեության մասին: Նախ նշենք, որ Սպիտակավոր Աստվածածնի վանքը գտնվում է Վերնաշեն գյուղից մոտ 7 կիլոմետր դեպի հյուսիս: Արձանագրություններում և ձեռագրական հիշատակարաններում կոչվել է Նաև Սբ. Կարապետ. Անապատ, Բոլորածորի կամ Բոլորաբերդի անապատ²: Այս նշանավոր վանական համալիրի շինությունները կառուցված են սպիտակ սրբատաշ ֆելզիտից, ինչի համար էլ ստացել է Սպիտակավոր անվանումը³: Վանքի շրջակայքը հարուստ է վայրի մասրենու և վարդենու թփերով, ինչի պատճառով էլ տեղացիներն այն կոչում են Գյուլվարդ կամ Ծաղկի վանք⁴: Սակայն հարկ է նշել, որ պատմական աղբյուրները շատ տեղեկություններ չեն պահպանել այս Սպիտակավոր վանքի մասին, իսկ պահպանված արձանագրություններն էլ հիմնականում նվիրակատվական բնույթի են:

Սպիտակավոր վանքի պահպանված շինություններից են Ս. Աստվածածին եկեղեցին, գավիթը, զանգակատունը: Սպիտակավոր Ս. Աստվածածնի եկեղեցու պատմությունը մեզ հետաքրքրում է հատկապես այն առումով, որ այն կառուցող Էաչի Պռոշյանի կինը՝ Մամախաթունը, Էլիկում Օրբեյանի դուստրն էր, որի մայրը՝ Թամթախաթունը, Մոմիկի և Նրա արվեստի հովանավորողն էր: Նորավանքում գտնվող Մոմիկի լավագույն խաչքարերը շինված են Թամթախաթունի պատվերով, բնական է, որ դուստրը ծանոթ էր Մոմիկին և Նրա արվեստին և կցանկանար իր տիրույթներում ևս Նրա արվեստի ստեղծագործություններից ունենալ:⁵ Մամախաթունը շինարարության ժամանակ թև ու թիկունք էր իր ամուսնուն, իսկ 1318 թվականին, երբ զոհվեց Էաչի Պռոշյանը, Մամախաթունն օգնեց որդուն՝ Ամիր Հասանին՝ շինարարությունն ավարտին հասցնել: Բացի այդ, Ամիր Հասան Բ-ն և Նրա կին Բոբան Նաև ընդարձակ տարածքներ են նվիրել Նորակառույց եկեղեցուն⁶: Եկեղեցին կոչվում է Նորակնունք Ս. Աստվածածին⁷: Ս. Աստվածածնի եկեղեցին գմբեթավոր է, արտաքուստ քառանկ-

1 Դիվանի հայ վիմագրության, պրակ 3, էջ 86:

2 Նույն տեղում, էջ 86:

3 Քրիստոնյա Հայաստան, Հանրագիտարան, էջ 919:

4 **Եղիազարյան Հ.**, Սպիտակավոր Սուրբ Աստվածածնի վանքը և Նրա վիմագիր արձանագրությունները, Էջմիածին ամսագիր, 1966, N 6, էջ 37:

5 Դիվանի հայ վիմագրության, պրակ 3, էջ 86:

6 Քրիստոնյա Հայաստան, Հանրագիտարան, էջ 919:

7 Նույն տեղում, էջ 919:

յունի և ներքուստ խաչաձև, որը գոյացել է չորս անկյուններում կրկնահարկ ավանդատներ կառուցելու հետևանքով: Եկեղեցու միակ մուտքը արևմտյան կողմից է: Շենքը զարդարված է գեղեցիկ զարդաքանակներով ու բարձրաքանդակներով, որոնցից հատկապես աչքի է ընկնում հյուսիսային պատի բարձրաքանդակը, որում պատկերված է որսի տեսարան՝ մի ծերունի և երկու երիտասարդներ՝ զինված նետերով ու աղեղներով. երիտասարդներից մեկը հեծյալ է և նետն ուղղել է եղջերուի վրա: Այս բարձաքանդակի վերևի հատվածում փորագրված է «Ամիր Հասան որդի Պռոշա»¹:

Գավիթը քառանկյունի շենք է, որի պատերի մեջ կան որմնակարներով ձևավորված ոչ խոր, ընդարձակ խորշեր, որոնք հատուկ էին միջնադարյան մատենադարաններին: Շինարարական արձանագրություն չունի²: Գավիթի պահպանված մասերից երևում է, որ այն չի ունեցել գավիթների հատուկ սյուներ, կիսասյուներ, բայց ունեցել է 4 մուտք:

Հաջորդ կառույցը Չանգակատունն է, որ կրկնահարկ կոթողանման շենք է՝ շինված 1330 թ. Հովհաննեսի և իր ամուսին Թաճի միջոցներով³: Այն ավելի շատ նման է հաղթական կամարի:

Սպիտակավոր Ս. Աստվածածինը վերանորոգվել է 1960-70-ական թթ. և 2006 թվականին: Այս եկեղեցու կառուցման պատմությունը, արձանագրությունները, արտաքին տեսքը նկարագրելուց բացի անհնար է չանդրադառնալ այդ վայրի՝ սրբավայր լինելուն: Ինչքան էլ թեմայից շեղում լինի, անհնար է չանդրադառնալ, քանի որ Սպիտակավորը զուտ հուշակոթող չէ, այլ Նժդեհյան սրբավայր: Երկար դժվարություններից հետո 1987 թվականի հունիսի 17-ին Նժդեհի աճյունի մի մասը տեղափոխել և ամփոփել են Սպիտակավոր վանքում: Ամեն տարի հունիսի 17-ին մեծ թվով ուխտավորներ են գալիս Սպիտակավոր:

Այժմ նշենք Աստվածածնի արձանագրություններում հիշատակված կանանց գործունեության մասին: Այսպես, Սպիտակավոր Աստվածածնի հյուսիսային պատի արձանագրության մեջ նշվում է Բոբայի կողմից 1340 թվականին Ս. Աստվածածնի եկեղեցուն այգի նվիրելու մասին.

ՅՈՒՏՈՎ ՈՐ ԱՌ ԱՇ ԵՍ ԲՈԲԵՍ ԶԱՌԱԻԵՏԿԱՆՆՑ ԱՅԳԻՆ, ՈՐ ԻՍ ՀԱԼԱԼ ԳՆՈՒՄՁԸ ԷՐ ՏՎԻ ԶԱՆԱԴԱՏՆ ՍՊԻՏԱԿԱՎՈՐ ԱՇԱԾՆԻՍ ԻՍ ՀՈԳՈՅ ԲԱԺԻՆ, Ի ԶԵՌՆ ՍԲ ՄԿՐՏՉԻՆՆ ԵՒ ՍԲ ՀԱՅՐՆ ԵՒ ՄԻԱԲԱՆԶՍ ԳՐԵՑԻՆ ՓՈԽՄԱՆ ԱՇԱԾԻՆ:Բ: ԴԱՏԱՐԱԳ Ի ԹՎԻՍ:ՉՁԹ: (1340) ՅԱՄԵՆ ԽԱՐՃԷ ԱԶԱՏ ՀԱԿԱՌԱԿՆ ԴԱՏԻ ՅԱՅ:Վ

Սպիտակավոր Աստվածածնի հյուսիսային պատի վրա պահպանված արձանագրության մեջ ևս նշվում է Բոբայի և իր ամուսին Ամիր Հասանի կողմից այգիների նվիրատվության մասին.

ՅՈՒՏՈՎ ՈՐ ԱՌ ԱՇ ԵՍ ԱՄԻՐ ՀԱՍԱՆ ՈՐԴԻՒ ԷԱԶՈ, ԵՍ ԲՈԲԱ ԴՈՒՏՈՐ ԶԱԶԱՐԻԱԻ ՄԵՐ ՀԱՐԵՆՆԵՆՆ Ի ԽՍՏՈՐԱԼԷԶ ԶԱՆԱԿԱԶԴԱՐԱՌՆ ԶՁԱՀԵՆԵՆՑ ԱՅԳԻՆ, ԶԴԱԻԹԵՆՑ ԱՅԳՎԱՅՏԵՐԻՆ ԿԷՍՆ ՏՎԱԶ ՍԲ ԱՆԱԴԱՏԻՍ ԵՒ ԳՐԻԳՈՐԻՆ ԳԵՐԵԶՄԱՆԻՍ, Ի ԶԵՌՆ ՍԲ ՀԱՅՐ ՄԿՐՏՉԻՆՆ ՍԵՇ ՅՈՒՏՈՎ ՅԻՇԱՏԱԿ ՍԵՉ ԿԻ

1 Եղիազարյան Հ., Սպիտակավոր Սուրբ Աստվածածնի վանքը և նրա վիմագիր արձանագրությունները, Էջմիածին ամսագիր, 1966, N 6, էջ 38:

2 Դիվան հայ վիմագրության, պրակ 3, էջ 86:

3 Նույն տեղում, էջ 86:

4 Դիվան հայ վիմագրության, պրակ 3, էջ 97:

**ՆԱԽՆԵՑՆ ՄԵՐՈՑ, ՍԲ ՀԱՅՐԱՍ ԵՒ ՄԻԱԲԱՆՔՍԻ ԿԱՐԳԵՑԻՆ ՏԱՐԵՆ:Դ: ԱՐԻ
ՊԱՏԱՐԱԳԻ ԱՐԿԳ:Ե: ՇԱԲԱԹ ԵՒ ՉԱՏԻԿ:¹**

Արձանագրության մեջ հիշատակված խստորալեզր նույն Սխտորալեզն Է, խտտորալեզ գյուղանվան սխալ արտասանությունը: Թանահատի վանքի նվիրատվական արձանագրություններից մեկում ևս նշվում է այդ գյուղի այգիների նվիրատվության մասին:

Սպիտակավոր Աստվածածնի արևմտյան պատի հյուսիսիային մասի արձանագրության մեջ վկայություն կա Գրիգորեսի և Նրա կին Շնոհվորի կողմից Աստվածածնի վանքին հողերի նվիրատվության մասին՝ որպես ընծա.

**ԿԱՄԱԻՆ ԱՅ ԵՍ ՄԱՐԳԱՐԵԼԻ ՎԱՐԴԱՊԵՏՍ ԵՒ ՀԱՐԱՉԱՏՆ ԻՄ ԳՐԻԳՈՐԵՍԻ
ԵՒ ԿԻՆ ԻՐԻ ՇՆՈՀՎՈՐ ՏՎԱԶԻ ԸՆԾԱ ԱՇՄՇՆԻ ՉԹԱՃԵՐԻ ՀՈՂՆ ՈՒ ՉՁԵՏԻՆ
ՈՒՂ ՉՍՈՒՍԿԱՆՑ ՊԱՏԱԻՆ ՈՒ ՉԹԵՂՈՒՏՆ, ՈՐ ՄԵՐ ԳՆՈՒՄՁԵ ԷՐԻ ՈՐ ՉՄԵՉ Ի
ՊԱՏԱՐԱՔՆ ՅԻՇԵՆ:²**

Չանգակատան արևմտյան երեսի խորշի պատի արձանագրության մեջ նշվում է 1330 թվականին Հովհաննեսի և Նրա կենակից Թաճի կողմից գանգակատան կառուցման մասին.

**ԹՎԻՍ:ՉՀԹ: (1330) ՊԱՐՈՆՈՒԹՆ ԿԱՄԱԻ ԲԱՐԵՐԱՐԻՆ ԱՅ ԵՍ ՅՈՀԱՆԵՍ
ԵՒ ԿԵՆԱԿԻՑ ԻՄ ԹԱՃՆ ՇԻՆԵՑԱԶ ԶԱՆԿԱԿՍ ԵՒ ՉՏՈՒՆ ՆՈՐԱՅ ՏՎԱԶ:Կ: ՇՆԱՇ
ԱՐԴԵԱՆՑ. . . ՊԱՐՈՆ ԲՈՒՐԹԵԼ
. ՈՐԴՈՑ ՆՈՑԻՆ ԿԵՍՆ ՄԵՐ ՀՈՂՈՅՍ Ի ԿՈՒՐԵՍԼ:³**

Արատեսի, Նորավանքի և Ցախաց Քարի նշանավոր ու գեղեցկատեսիլ վանքերը ևս իրենց մեջ ամփոփում են մեր լեռնաշխարհի կանանց նվիրատվությունները և շինարարական գործունեությունը փաստող մի շարք արձանագրություններ:

Նախ ասենք, որ Արատեսի վանքին կից, ըստ Ստ. Օրբեյանի հարկացուցակի, եղել է 6 հարկաչափ տվող գյուղ⁴: Արատեսի վանքը գտնվում է Եղեգիս գետի Արատես վտակի ափին, բլրի գագաթին⁵: Վանքը բաղկացած է իրար կից 4 մեծ և 5 փոքր շենքերից, դրանցից 8-ը կանգնած են նույն ուղղության վրա՝ հյուսիսից հարավ, իսկ մեկը կից է դրանց արևմուտքից: Վանքի եկեղեցիներն արձանագրությունների մեջ կոչվում են Սբ Սիոն, Սբ Կարապետ և Սբ Աստվածածին: Վանքի շինարարությունը սկսվել է հյուսիսից. կենտրոնում մի թաղածածկ եկեղեցի է, որին կցվել են մատուռներ՝ հյուսիսից երկու, իսկ հարավից՝ երեք: Շենքի այս շինությունների խումբը կոչվել է Սբ Սիոն և կառուցվել է 7-րդ դարում: Հաջորդը ամենահարավային գմբեթավոր եկեղեցին է, որը կառուցվել է 10-րդ դարում: Գմբեթավոր եկեղեցին կոչվել է Սբ Աստվածածին, իսկ գավիթ-եկեղեցին՝ Սբ Կարապետ⁶

13-րդ դարի վերջին Ստ. Օրբեյանը Արատեսի վանքն իր կալվածքներով հանձնել է Նորավանքին՝ որպես ամառանոց, իսկ 1301 թվականին Արատեսի վանքին է նվիրել Գեղարքունիք գավառի 8 գյուղ⁷:

1 Նույն տեղում, էջ 97:
2 Նույն տեղում, էջ 86:
3 Դիվան հայ վիմագրության, պրակ 3, էջ 101:
4 Օրբեյան Ս., էջ 373:
5 Քրիստոնյա Հայաստան, Հանրագիտարան, էջ 138:
6 Դիվան հայ վիմագրության, պրակ 3, էջ 120:
7 Քրիստոնյա Հայաստան, Հանրագիտարան, էջ 138:

Արատեսի վանքը հատուկ նշանակություն է ունեցել 13-րդ դարի վերջերին՝ պատմագիր Ստ. Օրբելյանի եպիսկոպոսության ժամանակ:

Գմբեթավոր եկեղեցու արևմտյան պատի հյուսիսային մասի արձանագրությունը տեղեկություն է տալիս Թաճմեղիքի նվիրատվության մասին.

ԵՍ ԹԱՃՄԵՂԷ ՄԻԱԲԱՆԵՑԱՅ ՍԲ ՈՒԽՏԻՍ. ՄԻԱԲԱՆԵՍ ՍԱՀՄԱՆԵՑԻՆ ՍԲ ԽԱԶԻՆ ՇԱԲԱԹԱԻՐԸ: Ա. ՊԱՏԱՐԱԳ¹

Իսկ կենտրոնական գավիթի հարավ արևմտյան խորշի կամարի քարի վրա պահպանված 10 տողանոց արձանագրությունը տեղեկություններ է հաղորդում Մամաքի կողմից եկեղեցուն կատարած նվիրատվության մասին:

ԵՍ ՄԱՄԱԶՍ ՄԻԱԲԱՆԵՑԱԼ ԵՒ ԵՏԻՈՒՅԻՆ ԶՈՒՆԷԻ Ի ՍԲ ԵԿԵՂԵՑԻՍ. ՍՊԱՍԱԻՈՐԸ ՍԱՀՄԱՆԵՑԻՆ:Ա: ԱԻՐ ՊԱՏԱՐԱԶ՝ ՓՈԽՍԱՆ ԱԾԱԾԻՆ. ԿԱՏԱՐԻԶԸՆ ԱԻՐՀՆԻՆ ԱՅ ԵՒ ԽԱՓԱՆԻԶԸՆ ԴԱՏԻՆ Ի ՏԵ²:

Նորավանքի մասին մենք արդեն որոշ չափով անդրադարձել ենք Միևս խաթունի գործունեությունը շարադրելիս, այժմ անդրադառնանք մյուս կանանց գործունեությանը: Այսպես, Նորավանքի գավիթի հյուսիսային պատի արձանագրությունը տեղեկություն է հաղորդում Գոնցեի կողմից 1345 թվականին Խանգահի այգու նվիրատվության մասին.

ԿԱՄԱԻՆ ԱՅ. ԵՍ ԳՈՆՅԵՍ ԹՈՌՆ ՀԱՍԱՆԱՎ ԴՈՒՍՐ ՊԱՐՈՆ ԽԱԲՐԱԿԿԱ ՄԻԱԲԱՆԵՑԱՅ ՍԲ. ՈՒԽՏԻՍ ՆՈՐԱԿԱՆԻՑ, ՊԱՐՈՆՈՒԹԵԱՆ ԻՇԽԱՆԱՅ ԻՇԽԱՆ ԲՈՒՐԹԷԼԻՆ ԵՒ ՏԿԻ ՉԽԱՆԳԱՀԻ ԷԳԻՆ՝ ԱՄԱՏԻՆ ՀՈԳՈՅՆ ՄԻԱԲԱՆԸ ԽՈՍԱՑԱՆ:Չ: ՊԱՏԱՐԱԳ ՅԱՅՆՈՒԹԵԱՆ ՈՒԹԱԻՐԱՑՆ:Բ: ԻՆՁ:Բ: ԱՄԱՏԻՆ,:Ա: ՀԱՍԱՆԱՎ:Ա: ԹՈՒԽԹԱՆ Է: ԹՎ.:ՉՂԴ: (1345)³

Գավթի հյուսիսային պատի արևելյան եզրի արձանագրությունն էլ վկայում է Խալաշահի դուստր Խաթունի կողմից 300 սպիտակով այգու գնման և նվիրման մասին.

ԿԱՄԱԻՆ ԱՅ ԵՍ ԽԱԹՈՒՆ ԴՈՒՍՐ ԽԱԼԱՇԱՀԻ ՄԻԱԲԱՆԵՑԱՅ ՍԲ ՆՇԱՆԻՍ ՈՒ ՏԿԻ:Յ: (300) ՄԴԻՏԱԿ Ի ՅԱՌՓԱՅ ԱՅԳԻ ԳՆԵՑԻ ՄԱԻՏ Ի...ՍՐ ՍԱՐԳԻՍ ՈՒ ՄԻԱԲԱՆԸ ՍԱՀՄԱՆԵՑԻՆ ՏՐԸՆԴԱՌԱԶԻՆ:Բ: ԱԻՐ ՊԱՏԱՐԱԳ ԽԱԹՈՒՆԻՍ:⁴

Գավթի հարավային պատի արևմտյան մասի արձանագրության մեջ նշվում է, որ Հազարին և Նրա ամուսին Մլըքը (հավանաբար Մլքեն) գավակ չունեին, ուստի իրենց ունեցվածքը՝ ձեռատունկ այգին և իրենց տունը, նվիրում են Սբ Նշան եկեղեցուն: Ահա այդ արձանագրության տեքստը.

ԿԱՄԱԻՆ ԱՅ ԵՍ ՀԱԶԱՐԻ ԵՒ ԱՍՈՒՍԻՆ ԻՍ ՍԼԸԸ ՈՉ ՈՒՆԷԱԸ ՉԱԲԱԿ ԵՐԿՐԱԻՈՐ, ՍՏԱՑԱԸ ՉԱԲԱԿ ԱՆԾԵՌԱՆԱԼԻ ՉՍԲ ՆՇԱՆՍ ԵՒ ՏՎԱԸ ՉՄԵՐԻ ՁԵՌԱՏՈՒՆԿ ԱՅԳԻՆ ՈՒ:Գ: ԴՈՒՆ ՏՈՒՆ ՄԵՐ ՇԻՆԱԾ Ի ԶՎՍ ՏՐԻՆ ՍԱՐԳԻՍ ՈՒ ՄԻԱԲԱՆԸ ՎԱՍԱՑԵՑԻՆ Ի ՏԱՐԻՆ:Գ: ՊԱՏԱՐԱԳ ԿԱՏԱՐԻԶԸՆ ԱԻՐՀՆԻՆ ՅԱՅ ԵՒ ԽԱՓԱՆԻԶԸՆ ԴԱՏԻՆ Ի ՏԵ ՈՎ ՀԱԿԱՎՈԿԱ:ՅԺԸ: (318) ՀԱՅՐԱԴԵՏԱՑՆ ՆՉՈՎԵԱԼ ԵՂԻՑԻ:⁵

Նորավանքի Բուրթելաշեն եկեղեցու երկրորդ հարկի մուտքի շոջանակի շինարարական արձանագրությունը վկայում է Բուրթել իշխանաց իշխանի և Նրա կին Վախախի ու որդիների կողմից եկեղեցու շինարարության մասին.

1 Նույն տեղում, էջ 127:

2 Նույն տեղում, էջ 128:

3 Նույն տեղում, էջ 223:

4 Նույն տեղում, էջ 223:

5 Դիվան հայ վիմագրության, պրակ 3, էջ 224:

ԿԱՄԱԻՆ ԱՅ ԵՍ ՊԱՐՈՆ ԲԻՒՐԹԷԼ ԻԾԽԱՆԱՑ ԻԾԽԱՆ ԵՒ ԱՍՈՒՄԻՆ ՎԱԽԱՆ ԵՒ ՈՐԴԴԻՔ ԻՄ ԲԵՇՔԵՆ ԵՒ ԻՆԱՆԻԿ ՇԻՆԵՑԱԼՔ ԶԷԿԵՂԵՑԻՍ ՍԵՐ ՀԱԼԱԼ ԱՐԴԵԱՆՑ:¹

Բուրթելաշեն եկեղեցու խաչքարն ունի հետևյալ նկարագրությունը. ճակատին Հիսուս նստած, ձեռքին գիրքը՝ վրան ուռուցիկ տառերով գրված. ԵՍ ԵՄ ԼՈՒՅՍ, երկու կողքերին՝ ավետարանիչները՝ ձեռքերը մեկնած Հիսուսին, հենված է գավիթի արևմտյան մուտքի կողին հարավից: Խաչքարի վրա արձանագրված է.

ԵՍ ԹԱՄԹԱ ԽԱԹՈՒՆՍ ԿԱՆԳԼԵՑԻ ԶԽԱԶՍ Ի ՓՐԿՂՈՒԹԻ, ՀՈԳՈ ԱԹԱՊԱԿ ՏԱՐՍԱԻՃԻՆ ԵՒ ՅԱՐԵԲՇԱՏՈՒԹԻ ՈՐԴՈՅ ԻՄՈՅ ԲԻՒՐԹԷԼԻՆ ԵՒ ԲՈՒՂՏԱՅԻՆ ԹԻՎԸ:ՉՃԸ:(1308): ՄՈՍԻԿ ՎԱՐԴԴԵՏ ՅԻՇԵՑԵՔ²:

Սյունիքի Վայոց Ձոր գավառի Ցախաց քար վանքում ևս պահպանվել են արձանագրություններ, որոնք վկայում են կանանց գործունեության մասին: Նախ նշենք, որ Ցախաց քար վանքը գտնվում է ներկայիս Արտարոյնք գյուղից շուրջ 6.5 կմ հյուսիս-արևելք³:

Ցախացքար վանքը գտնվում է Եղեգիս և Ալայազ գյուղերից 6-7 կիլոմետր հեռավորություն ունեցող մի բարձրադիր սարավանդի վրա, որը շրջապատված է հիանալի արոտավայրերով և խոտհարքներով: Վանքի շինությունները բաղկացած են երկու գլխավոր խմբերից, որոնք իրարից հեռու են մոտ 200 մետր: Առաջին հուշարձանախմբի գլխավոր եկեղեցին կոչվում է Սբ Կարապետ, որը կենտրոնագմբեթ է՝ շինված մաքուր, սրբատաշ ու մեծ քարերով: Այն Վայոց ձորի լավագույն ճարտարապետական կառույցներից մեկն է. մուտքը, պատուհանները և այլ ակնառու մասերը ձևավորված են ինքնատիպ և ճաշակավոր զարդերով: Հարավային պատին եղել է թևատարած արծվի բարձրաքանդակ, որը ճանկերով բռնել է խոյին (այժմ ընկած է), իսկ հյուսիսային պատին (նույնպես արտաքուստ)՝ առյուծը առաջին երկու ոտքերով բռնել է ցուլի կամ եզան թիկունքից⁴: Այս խմբի հաջորդ կառույցը Սբ Նշան երկհարկանի դամբարան եկեղեցին է:

Ցաղաց քարի վանքի հուշարձանների երկրորդ խումբը առաջինից հեռու է շուրջ 100 մետր: Այս հուշարձանախմբի գլխավոր կառույցներից է Սբ Աստվածածին եկեղեցին: Հաջորդ նշանավոր կառույցներից է Սբ Հովհաննեսը, որը կառուցված է կոպտատաշ քարերով ու կրաշաղախով⁵:

Ցաղաց քարի պեղումների ժամանակ հայտնաբերվել է շինարարական, նվիրատվական և հիշատակագրային բովանդակությամբ շուրջ 85 արձանագրություններ:

Մեզ հետաքրքրող, կանանց կողմից նվիրատվություն կատարած արձանագրություններից մեկը պահպանվել է ս. Հովհաննեսի գավիթի ներսում: Ահա այդ արձանագրության տեքստը.

ԿԱՄԱԻՆ ԱՅ ԵՍ ՄԱՄԱՅՍ ԻՄ ԱՐԴԵԱՄԲԸ ՆՈ

1 Նույն տեղում, էջ 240

2 Նույն տեղում, էջ 243:

3 **Մեղրնեան Հ.**, Ցաղաց քար վանքի պեղումները և նորայատ արձանագրութիւնները, Նորավանք, Մոսկեալ-Երեւան, 2001, էջ 84:

4 Դիվանի հայ վիճակագրության, պրակ 3, էջ 148-149:

5 **Մեղրնեան Հ.**, Ցաղաց քար վանքի պեղումները և նորայատ արձանագրութիւնները, Նորավանք, Մոսկեալ-Երեւան, 2001, էջ 85-86:

**ՀՈԳԵՑԻ ՉԵԿԵՂԵՑԻՍ ԵՒ ՉԻՍ ԱՐԾԱԹ
Ի ԽԱՉՆ ԱՅԼ ԵՏՈՒ ԵՒ ՍՊԱՍԱԻՈՐՔՍ ԳՐԵՑ
ԻՆ Ի ՏԱՐԻՆ .Ե. (5) ԺԱՄ ԻՄ ՀԱԻՐՆ ՍԵԻԱԴԵԻ 2
ԱՏԿԻ ՃՐԱԳԱԼՈՒՅՑԻՆ ՈՐ ԽԱՓԱՆԷ Դ
ԱՏԱՊԱՐՏԻ, ԿԱՏԱՐԻՉՆ ԱԻՐՀՆԻՆ ՅԱՅՅ¹:**

Հ. Մելքոնյանը Ցաղաց քարին նվիրված վերոնշյալ հոդվածում, ելնելով արծանագրության տառաձևերից, արծանագրության փորագրման ժամանակը համարում է 13-14-րդ դարերը և նշում, որ արծանագրության մեջ վկայված Սևադայի և Նրա դստեր մասին այլ տեղեկություններ չկան²:

Ցաղաց քարի հաջորդ արծանագրությունը, որը վկայում է Լիպարիտ իշխանի կնոջ՝ Ասփայի կողմից վանքին տված Արտեբոյն մեծ արտի մասին, պահպանվել է Սբ Կարապետի հարավային մուտքի շրջանակի վերին մասի կենտրոնի և արևելյան կողմի վրա: Ահա այդ նվիրատվության արծանագրությունը.

**ԿԱՄԱԻՆ ԱՅ. ԵՍ ԱՍՓԱՅՍ ԱՍՈՒՄԻՆ ԼԻՊԱՐԻՏ ԻՇԽԱՆԻ ՏԿԻ ՅԱՐՏԵՐՈՅՆ
ՉՍԵԾ ԱՐՏ ԻՐՍՍԱԿՄԱՆԱԻՔՆ Ի ՍԲ. ՅՈՎԱՆԷՍ ՈՐ ԻՄ ՀԱՅՐԵՆԻՔ ԵՐ Ի ՀՆՈՒՑ
ԵՒ ՍՈՔԱԼ ՀԱՍՏԱՏԵՑԻՆ ԱԻՐ ԺԱՄ ՈՐ ՀԱԿԱՌԱԿԱ ՅԻՄՈՑ ԿԱՍՂ ՅԱԻՏԱՐԱՅ,
ՄԱՍՆ ՈՒ ԲԱԺԻՆ ԸՆԴ ՅՈՒԴԱԼԻ ԵՂԻՑԻՎ ԱԾԱԾԻՆ ՏՈՒՆԻՆ ԺԱՄ ԱՍՓԻՆ
ԱՌՆԵԼ: ³**

Աշխարհիկ շինություններից Մելիմի քարավանատունը ևս մեզ տեղեկություններ է հաղորդում այն մասին, որ ամուսնու՝ Չեսար Օրբեյանի հետ միասին քարավանատան կառուցման աշխատանքներին մասնակցել է նաև կինը՝ Խորիշահը: Մելիմի քարավանատունը ավատատիրական Հայաստանի բոլոր քարավանատներից համեմատաբար ամենալավ պահպանվածն է: Քարավանատունը կառուցված է հին քարավանային ճանապարհի վրա: Մելիմի քարավանատան կառուցման ճիշտ ժամանակը վկայված է երկու շինարարական արծանագրություններով, մեկը՝ հայերեն, մյուսը՝ արաբերեն լեզուներով:

Չնայած հայերեն արծանագրության ավելի ընդարձակ լինելուն և արաբերենի համառոտությանը՝ դրանց բովանդակությունը համընկնում է, եթե չհաշվենք այն հանգամանքը, որ քարավանատան կառուցող իշխան Չեսար Օրբեյանը հայերեն արծանագրության մեջ նշվում է որպես իշխանաց իշխան Սմբատի որդին, իսկ մյուսում՝ Լիպարիտ իշխանի: Հայերեն արծանագրության մեջ քարավանատան կառուցման ժամանակը նշված է ՉՁԱ թվին (1332 թվականին): Արծանագրությունը փորագրված է ներսում՝ նախասրահի եռանավ դահլիճի հարավային պատի վրա: Արաբերեն արծանագրությունը փորագրված է դրսի կողմից՝ նախասրահի մուտքի կիսաշրջանաձև բարավորի վրա:⁴

Արծանագրության տեքստը մեզ հետաքրքրում է այն առումով, որ նշվում է թե շինարարության ժամանակ ամուսնուն աջակից, թե ու թիկունք է եղել նաև Չեսար Օրբեյանի կինը՝ Խորիշահը: Ահա կնոջ մասնակցությունը փաստող արծանագրությունը.

**ՅԱՆՈՒՆ ԱՄԵՆԱԿԱՐՈՂ ՀՉԱԻՐԻՆ ԱՅ Ի ԹՎ:ՉՁԱ: (1332),
ՅԱՇԽԱՐՀԱԿԱԼՈՒԹԵ. ԲՈՒՍԱԻԴ ԴԱՆԻՆ, ԵՍ ՉԵՍԱՐ, ՈՐԴԻ ԻՇԽԱՆՂԱՅ ԻՇԽԱՆԻՆ**

1 Նույն տեղում, էջ 88:
2 Նույն տեղում, էջ 88:
3 Դիվան հայ վիմագրության, պրակ 3, էջ 148-149:
4 **Հարությունյան Վ.**, Միջնադարյան Հայաստանի քարավանատներն ու կամուրջները, Ե., 1960, էջ 18:

ԼԻՊԱՐՏԻ ԵՒ ՄԱԻՐՆ ԱՆԱԻՆ, ԹՈՌՆ ԻՎԱՆԵԻ, ԵՐԲՄԱՐՑ ԻՄ ԱՌԻԻԾԱԳԵՂ ԻՇԽԱՆԱՑՆ ԲԻՐԹԵԼԻՆ ԵՒ ՍՄԲԱՏԱ ԵՒ ԷԼԻԿՈՒՄԻՆ, ՅԱՂԶԳԷ ԱԻՐՊԵԼԵՆՑ, ԵՒ ԿԵՆԱԿԻՑ ԻՄ ԽՈՐԻՇԱՀ, ԴՈՒՍՐ ԻՇԽԱՆԻՆ ՎԱՐԴԱՆՆԱ ԵՒ ԴՈՓԻՆ ԶՐ.....ՐԵՆ, ՅԱԶԳԵՍ ՍԵՆԻՔԱՐԻՄԱՆՑ Ի ՀԱԼԱԼ ԱՐԴԵԱՆՑ ՄԵՐՈՑ ԾԻՆԵՑԱՔ ԶՀՈՂԵՏՈՒՆՍ Ի ՓՐԿՈՒԹԻ, ՀՈՂՈՑ ՄԵՐ ԵՒ ԾՆՈՂ ԱՑ ԵՒ ԵՐԲՄԱՐՑ ՄԵՐ Ի ԶՍ ՆՆՁԵՑԵԼՈՑ. ԵՒ ԿԵՆԱՑ ԵՐԲՄԱՐՑ ԻՍՈՑ ԵՒ ՈՐԴՈՑ ՍԱՐՔՍԻ ԵՒ ՀՈՎԱՆԻՍԻ ԶԱՀԱՆԱԻ, | ԶՐԴԻՆ ԵՒ ՎԱՐԴԻՆ: ԱՐԱԶԵՍՔ ԶՊԱՏԱՀՈՂԴՍ ՅԻՇԵԼ ԶՄԵՉ Ի ԶՍ: ՍԿԻԶԲԵՆ ՏԱՆՍ ՐԱԲՈՒՆԱՊԵՏԻՆ ԵՍԱՈ, ԵՒ ԿԱՍՏԱՐՈՒՄՆ ԱՐԱԻԹԻԻՔ ՆՈՐԱ Ի ԹՎԻՍ:ԶԶԱ: (1332)¹:

Այսպիսով, Օրբելյանների տիրապետության ժամանակ բավականին նպաստավոր պայմաններ էին ստեղծվել կանանց շինարարական և նվիրատվական գործունեության համար, ինչը չի կարելի ասել հետագա դարերի մասին, երբ Հայաստանը և նրա մաս կազմող Սյունիքը գտնվում էին թուրքմենական ցեղերի տիրապետության տակ:

GAYANE SHABUNTS - EPISODES FROM SYUNIK'S WOMEN'S BUILDING AND DONATION ACTIVITIES IN THE DAYS OF THE ORBELYANS - In the days of the Orbelyans the relative peace promoted economic and cultural life. In lithographic records and in Stepanos Orbelyan's and Ghevond Alishan's stories a lot of evidences are preserved about Syunik's prominent women Mina Khatun's, Aspa's, Mamkan's and others' building and donation activities. Tanahat's, Noravank's, Aghuerdz's, Spitakavor's, Tsaghak's and many other monastery's donation and building records report a lot of information about it.

Key words: The Orbelyans, Mina Khatun, Aspa, Mamkan, Noravank, the monastery of Tanahat, Spitakavor Church, donation, church building.

ГАЙАНЕ ШАБУНЦ - ЭПИЗОДЫ ИЗ СТРОИТЕЛЬНОЙ И ДАРСТВЕННОЙ ДЕЯТЕЛЬНОСТИ ЖЕНЩИН СЮНИКА ПРИ ОРБЕЛЯНАХ - В годы правления Орбелянов наступивший в Сюнике относительный мир опосредствовал подъему экономической и культурной жизни. В лапидарных надписях и у Степана Орбеляна, Гевонда Алишана сохранились свидетельства о строительной и дарственной деятельности именитых женщин Сюника: Мина Хатун, Аспа, Мамкан и другие. Об этом есть подробная информация в записях строительного и дарственного характера монастырей Танаат, Норавак, Ыгуердзи, Спитакавор, Цагац и многих других.

Ключевые слова: Орбеляны, Мина Хатун, Аспа, Мамкан, Норавак, Танаатский монастырь, церковь Спитакавор, дарение, строительство церквей

¹ Դիվանի հայ վիմագրության, պրակ 3, էջ 177-178: